

郝文忠公全集

序

竊聞明道先生之令晉城也。勸建學校。擇鄉之秀俊而教
育之。親為正句讀。澤之士大夫承風嚮化。被儒服者四野。
相望。逮乎金元。其流風遺俗。日益隆茂。大儒輩出。濟濟洋
洋。有齊魯之風。而加厚焉。攬今追昔。鄉校之故蹟已湮。即
當日之被其化而昌明其教者。有所撰述以微言傳後。其
文詞亦不槩見矣。如郝文忠公者。澤之陵川人也。其生平
忠誠大節。載在史冊。彪炳千古。第知其人必讀其文章。究
其軼事。以想見其為人。聊志私淑。以慰素心耳。甲寅春來。
守濩澤。知為郡之先賢。訪其遺集。罕有知者在。郡三年。僅

于陵川諸生武氏得其藏本家已世守不輕假人爰效古人抄書之例隨閱隨錄始得全書考公之崛起冀南隨先人避兵許昌既而北遷滿城當是時河朔之間兵鋒充斥黎民播遷公克承家學執業于鐵佛寺中晝庇家事夜入書堂冠衣不釋雜誦徹旦如是者五年受知於祁陽賈侯居之萬卷樓中而其學業益粹故其所著詩文閎中肆外含英咀華抽思逞辭汪洋浩瀚靡有涯涘復皆準乎聖賢之精義而左右逢原脗合于道其詮釋性理諸圖說暨五經辨微等論道徹天人學該今古更爲淵邃蓋根柢於周程而獨造其微妙且嘗自誦曰不學無用學不讀非聖書

不務邊幅事不作章句儒慨然以天下爲己任方當南北
多故人民瘡痍勤勤於仁民愛物之義以感動人主洵非
託諸空言者可比公之先世業儒至曾叔父東軒老以先
人及明道先生之門教授鄉曲講劇道藝淵滙日深得太
極先天之旨其教後曩以治經行已爲本思夫紹興而後
明道之教自北而南伊洛墜緒僅在河東郝氏之宗師蓋
淵源有自矣及公之奉命使宋館留真州者十有六載羈
愁抑鬱人不堪其憂而處之泰然其道益昌其文益肆中
懷道義有足多者惜所著周易春秋外傳續後漢書原古
錄一王雅等書皆不傳其叙載在集中九鼎一齋令人朶

頤索之不得徒增浩歎至若雁足帛書使人異舉臨文歎
咏迄今猶想見風姿鬻雪咽旃節旄盡落屬國之精誠先
後相媿美矣遐思往蹟能無慨然前者武進艾圃陶先生
曾牧是邦亦錄是集去欲爲重鋟僅冠以序未遂其志後
松坪王少司空郡之鄉先哲也勤求掌故有志重刊會督
餉秦川亦未竟其事今其令嗣涵紫好學稽古承先人志
付諸梨棗閱三月而告竣裒然成帙問序于余嗟乎公之
文章節義冠冕金元歷亘古而彌新然時移代遷去古日
遠鴻章傑作其不與謏學嘯鳴同歸澌泯者曾幾何哉其
集一刻于元迄明再刻于楚即今得武氏本也魯魚亥豕

重難校讐又得孝廉與鈞孔君輩勤加檢閱得成完書因
思河東文物自古勁豪其有企郝氏之流風不負明道先
生之遺澤倡明實學繼軌前賢以復當時之盛余忝郡守
能不登棣華之堂而興歎羨也耶乾隆三年戊午初夏澤
州守錢唐朱樟序

序

郝文忠公爲元初理學名儒文章事業彪炳宇宙迄今垂
四百年海內操觚之士咸仰若山斗 先曾伯祖鹿田公
守澤時嘗撫其後裔蒐其遺文慨然曰史冊所載紀其大
畧而已求文忠公之心源者其在斯乎會鄉先生涵紫王
公以舊版漫漶檢其殘缺序其巔末重授梓人氏且懇
先曾伯祖弁言於端是文集一版 先曾伯祖曾幾費心
血罷官後攜以俱南嘗謂 先祖曰郝文忠公文集談理
論事必衷至當詩文詞賦亦不肖作秦漢以下語其殆登
吾 考亭之堂而欲入其室耶爰摹刻成帙以公同志版

郝文忠公集序

藏諸家今幾六十載矣小子鏐少承祖訓嘗奉爲圭璧

數年來奔走京塵宦遊四方終無定所癸丑春服闋南旋

啟視家笥書卷半飽脉望惟文忠公文集一版依然無恙

因船載以北比至鄴適友人魏夢熊偕張公梅南造鏐構

觀焉公郝公里人也居平所志所學咸以文忠公爲師承

其重斯板也與鏐有同心焉因解篋遺之庶讀其書如見

郝公乎噫斯版也自北而南者復自南而北迢迢數千里

仍歸故土是豈張公愛慕之誠感而致耶抑文忠公有靈

有以呵護其間耶因走筆書之以誌其事時乾隆甲寅孟

春月錢唐朱鏐敬序

序

是事也實倡於余而余友范君匡來自爲啟一通與家渭
田有徵資約余特未預知也越數月匡來過余握手而飲
言志適合余因憇渭田合乃兄湘若裒金若干余力裒金
若干時鹿田太守裔孫鏢市版漳南余親往納直捆載以
歸凡以成余友志而弗敢自爲功也版計四百餘片共耗
金若干數今貯余家之我書樓嘉慶戊午夏日高都張大
紘梅南氏謹序

陶序

明道立教之謂文何代蔑有其間升降隨乎運會而顯晦
因之六經道言無意成文文之至也先秦兩漢下由文溯
道叠更盛衰後或弗逮夫前變而不失其正其人類皆嫻
經術貫百氏大放厥辭力迴瀾倒中流一壺如馬班賈董
韓李歐曾之徒代興者是情有各深才非相借雄長一時
羣遂奉之爲宗而旁出唐子末由竄入正統則古今一轍
援此以定南渡金元之文莫不然矣陵川郝伯常先生崛
起冀南奉使不辱中誠大節載在元史間嘗取其世論之
當于戈倣擾之秋齊盟早渝邾莒不狎寧復知有通經學

古之事先生蒙難艱貞不夷其明蘊釀載籍發為贍博宏肆之言理性得之江漢趙復法度得之遺山元好問而獨申已見左右逢源固自有其文以之驂驪前哲何愧嗣後姚氏燧虞氏集揭氏僖斯戴氏表元黃氏潛柳氏貫歐陽氏玄吳氏萊咸以其文成一家言有名元代非先生導其先路哉蓋作者難識者尤不易歷下李攀龍劄論不讀唐以後書貌史漢皮毛者靡然從之以故近世遺文放失間脫蠹口則烟煤皮閣者多在昔昌黎起衰八代必俟二百年後六一居士得舊本韓文為之演繹其學始昌他可知已故明三數巨儒講求復古不以世限徃徃掇拾標舉疏

通證明若所稱牧菴道園諸君子之書次第昭布先生所著續後漢書暨易春秋內外傳太極演等書不下數百卷俱不傳其文集三十九卷曾一刻於元迨明武宗朝沁水李司農叔淵官楚復鏤諸板江右陳司空文鳴為之序其本行於北東南學士罕藏之余願見既以購不獲會移知澤州歲乙酉纂修郡志遍搜得李刻全冊于陵大喜逾望惜魯魚漫漶訪他邑又見一前本似初刷者頗明晰較其可知餘則姑付闕如因歎先生之文宜冠元儒遭逢不偶至宋被留真州十六年當時其地守臣請與張璠吳澄並祀曰三賢祠訖今不可問陵川故里廟亦頽廢製作迨將

漸滅此大闕軼事忝守先生鄉責不在我乎檄屬鼎新其
祠爰舉前集命刊梨以行敢謂先生異世之桓譚聊志私
淑且厭求者心爾然後知處晦之必有時而顯先生實大
聲宏光芒終不可掩曠在易代一遇於余則表而出之彼
雷同剽竊龐無一物者即汗牛充棟初何異水火之投撫
先生集于是乎有感詩文具在卓為諸大家後勁固也余
覽其論兵議及上宋主萬言書通達國體指陳利害務俾
守以持重答天心惜民命於和議拳拳三致意非空言無
實可比其見超矣經濟專門望洋徒歎孰云文士弗適于
用哉發微者當自得之沾沾源流派別又可置弗論焉澤

州牧武進陶自悅讓

原序

文所以載道道一也而文則隨時而變焉有唐虞三代之文有先秦兩漢之文有魏晉之文有唐人之文有宋人之文有元人之文唐虞三代之文簡古不可尚已秦漢而下愈變則愈繁至於元而文之變極矣文雖以時異而道未嘗不寓焉其言比于道者文之粹者也其言盭于道者文之駁者也若陵川郝公之文其元文中之傑然者乎公生于冀而仕于元少穎敏有大志自六經諸子歷代史傳以至天文兵律無不淹貫洞達其學博其才膽故發而爲文也汪洋滂沛如大河東注一瀉千里抑揚起伏如太行諸

峯層見叠出蓋積之深而發之盛理固然也公嘗以元世祖即位奉使輸平于宋適理宗末季賈似道誤國遣人幽公于真州者十有六年公處困而裕方且日以著述為事初無抑鬱無聊之態則其所養又可知已文集凡若干卷板行于元以而散逸見者鮮焉吾大憲長李先生叔淵博學好古以公鄉先哲也景慕之尤深求其集踰二十年始得全帙如獲拱璧遂手校而刻之梓以傳嗚呼宋開慶間公從元世祖次師于鄂登高弔古其詠武昌三節婦詩實載集中則鄂固公所嘗游覽之地也距今二百餘年而文集廼刻于茲夫豈偶然也哉抑公之所著有續後漢書及

易春秋內外傳皆卓然自成一家惜乎無傳焉安知是集
一出不有因之而旁求者乎公名經字伯常諡文忠世家
澤之陵川其履歷顛末具在銘誌茲故得而畧云正德二
年歲在丁卯春正月吉賜進士出身奉議大夫湖廣等處
提刑按察司僉事奉勅提督學政前翰林院庶吉士廬陵
陳鳳梧謹序

舊序

國初未遑文治不階教育奮然自勵致海內盛名文章事業耆舊推重時輩莫敢與角若國信使贈昭文館大學士榮祿大夫司徒冀國公謚文忠郝公真豪傑之士哉公諱經字伯常上世澤州之陵川人八世義居儒行師表一鄉至公恢大素業蔡國張公館于家世皇聞之首加禮聘奏對屢稱旨益奇之南征挈以偕行授江淮宣撫副使中統初選充宋使留十有六年不辱君命天下戶知之詳見隄銘洎神道碑今集賢大學士郭公貫幼從公學其任禮部尚書也請刊其遺文朝廷從之事屬江西行省以序見徵

惟公挺不世出之才蘊大有爲之志氣剛以大學博而充
陳時政兵事綽見經濟之能傳周易春秋深探幽隱之趣
正蜀紀刊前史之繆誤移宋朝悉和議之利害雜著歌詩
涵泳古今本原騷雅不失爲奇作使之參與廟謨黼黻王
度斯民被澤吾道增重也必矣方羣賢彙進之秋乃遠涉
江淮投身虎口及歸年德耆劭區宇混一宜享安榮之樂
而大故遽及生平抱負竟不獲展萬一可哀也已然其終
始大節日光玉潔焜耀無窮述作之夥刻示永久斯可以
下慰九泉矣崇儒報功國家盛典獲紀其實託名簡編之
末又何敢辭敬爲之書以諗來者延祐丁巳四月 日國

子祭酒東平晚生李之紹謹序

延祐五年五月初九日奉

江西等處行中書省劄付准中書省咨集賢院呈延祐四年十二月初五日也可怯薛第二日嘉禧殿內有時分對速古兒赤明里董瓦學士喜春等有來本院官陳大學士奏郝伯常學士做國信使入宋講和去時于真州拘留了十六年間做了一部續後漢書並他平日作來的文章陵川文集這兩部書中書省交江西行省有管下學校錢糧內開板去了也奏呵奉聖旨您與省家文書交疾忙了者麼道聖旨了也欽此具呈照詳得此咨請欽依施行准此省府仰依已行開刊施行奉此

中書省移江西行省咨文

皇帝聖旨裡中書省禮部呈奉省判翰林國史院呈照得先據經歷司呈奉禮部符文承奉中書省判送本部呈准尚書郭嘉議關竊謂士遇則致君澤民功被一時不遇則著書立言名垂後世故翰林侍讀學士國信使贈昭文館大學士資善大夫文忠郝公以命世之才為世祖皇帝所知潛邸召見置諸侍從中統御極即命講好使宋拘留十有六年至元乙亥始得歸國凜然風節遠配古人將被大用以宿瘴而卒其平日著述如三國志點曹魏而主劉蜀使正統有歸脗合朱文公通鑑綱目筆法一洗前書之謬

誤是誠有補於世教又如春秋外傳一王雅陵川文集等
書學者願見而不得似此遺藁家藏尚多不幸其子山南
江北道肅政廉訪使文徵早卒伏慮前書久而散失良可
惜也如蒙朝廷允許于懷州本家取發前來付翰苑披詳
發下板行庶使一代儒宗雄文傑作不至湮沒傳之將來
以見聖治文明之盛是則非惟死者之幸實後學之幸也
請轉呈都省照詳施行本部叅詳如准所言將郝文忠公
遺文哀集梓行誠有補於世教具呈照詳覆奉都堂鈞旨
送禮部依上施行奉此行據懷孟路申今將陵川文集并
三國志申解前去乞照驗事省部仰照驗議擬施行承此

具呈照詳得此除將發到陵川文集一十八冊三國志三十冊送付編修官蒲道源等考校去後今據待制趙穆編修官蒲道源等官連呈文忠公郝經所著文集筆力雄深議論該博忠義之氣藹然見於言意之表其續漢書得先儒之至論黜晉史之帝魏使昭烈上繫漢統扶立綱常有補世教其間敘事典瞻核實多前史所未及者若蒙呈達都省行下書坊版行傳後非惟使斯人生平精苦之志有以表見於世亦示我國朝之有人焉呈乞照驗得此翰苑議得如准待制趙穆等所言相應除將前項文集依數發付禮部依上施行外得此奉都堂鈞旨送禮部照撥施行

奉此本部叅詳郝文忠公著述三國志陵川文集等書既
翰林國史院考校得堪以板行相應得此南行省所轄儒
學錢糧多處刊行相應得此今將前項文集隨此發去都
省合行移咨請照驗行下合屬依上委官提調如法刊畢
各印二十部裝補完備咨來

元史本傳

郝經字伯常其先潞州人徙澤州之陵川家世業儒祖天挺元裕嘗從之學金末父思溫辟地河南之魯山河南亂居民匿窖中亂兵以火熏灼之民多死經母許亦死經以蜜和寒菹汁決母齒飲之即蘇時經九歲人皆異之金亡徙順天家貧晝則負薪米為養暮則讀書居五年為守師張柔賈輔所知延為上客二家藏書皆萬卷經博覽無不通往來燕趙間元裕每語之曰子貌類汝祖才器非常勉之憲宗三年世祖以皇弟開邸金蓮川召經諮以經國安民之道條上數十事大悅遂留王府是時連兵於宋憲宗

入蜀命世祖總統東師經從至濮會有得宋國奏議以獻其言謹邊防守衝要凡七道遂下諸將議經曰古之一天下者以德不以力彼今未有敗亡之覺我乃空國而出諸侯窺伺於內小民凋弊於外經見其危未見其利也王不如修德布惠敦族簡賢綏懷遠人控制諸道結盟飭備以待西師上應天心下繫人望順時而動宋不足圖也世祖以經儒生愕然曰汝與張拔都議邪經對曰經少館張柔家嘗聞其論議此則經臆說耳柔不知也進七道議七千餘言乃以楊惟中爲江淮荆湖南北等路宣撫使經爲副將歸德軍先至江上宣布恩信納降附惟中欲私還汴經

曰我與公同受命南征不聞受命還汴也惟中怒弗聽經
率麾下揚旌而南惟中懼謝乃與經俱行經聞憲宗在蜀
師久無功進東師議其畧曰經聞圖天下之事於未然則
易救天下之事於已然則難已然之中復有未然者使往
者不失而來者得遂是尤難也國家以一旅之衆奮起朔
漠幹斗極以圖天下馬首所向無不摧破滅金源并西夏
蹂荊襄克成都平大理躡蹠諸夷奄征四海有天下十八
盡元魏金源故地而加多廓然莫與侔大也惟宋不下未
能混一連兵構禍踰二十年何曩時掇取之易而今日圖
惟之難也夫取天下有可以力并有可以術圖并之以力

則不可久久則頓弊而不振圖之以術則不可急急則僥倖而難成故自漢唐以來樹立攻取或五六年未有踰十年者是以其力不弊而卒能保大定功晉之取吳隋之取陳皆經營比次十有餘年是以其術得成而卒能混一或久或近要之成功各當其可不妄爲而已國家建極開統垂五十年而一之以兵遺黎殘姓游氣驚覓虔劉廟盪殆欲殲盡自古用兵未有如是之久且多也其力安得不弊乎且括兵率賦朝下令而夕出師躬擐甲胄跋履山川闔國大舉以之伐宋而圖混一以志則銳以力則強以土則大而其術則未盡也苟於諸國旣平之後息師撫民致治

成化創法立制敷布條綱上下井井不撓不紊任老成爲
輔相起英特爲將帥選賢能爲任使鳩智計爲機衡平賦
以足用屯農以足食內治旣舉外禦亦備如其不服姑以
文誥拒而不從而後伺隙觀釁以正天伐自東海至於襄
鄧重兵數道聯幟接武以爲正兵自漢中至于大理輕兵
捷出批亢抵脅以爲奇兵帥臣得人師出以律高拱九重
之內而海外有截矣是而不爲乃於間歲遽爲大舉上下
震動兵連禍結底安于危是已然而莫可止者也東師未
出大王仁明則猶有未然者可不議乎國家用兵一以國
俗爲制而不師古不計師之衆寡地之險易敵之強弱必

合圍把稍獵取之若禽獸然聚如邱山散如風雨迅如雷
電捷如鷹鷂鞭弭所屬指期約日萬里不忒得兵家之詭
道而長於用奇自澮河之戰乘勝下燕雲遂遺兵而去似
無意於取者既破回鶻滅西夏乃下兵關陝以欺金師然
後知所以深取之是長於用奇也既而為幹腹之舉由金
房繞出潼關之背以攻汴為擣虛之計自西和徑入石泉
威茂以取蜀為示遠之謀自臨洮吐番穿徹西南以平大
理皆用奇也夫攻其無備出其不意而後可以用奇豈有
連百萬之衆首尾萬餘里六飛雷動乘輿親出竭天下倒
四海騰擲宇宙軒豁天地大極於遐徼之士細窮於委巷

之民撞其鍾而掩其耳嚙其臍而蔽其目如是用奇乎是
執千金之璧而投瓦石也其初以奇勝也關隴江淮之北
平原曠野之多而吾長於騎故所向不能禦兵鋒新銳民
物稠夥擁而擠之郡邑自潰而吾長於攻故所擊無不破
是以用其奇而驟勝今限以大山深谷阨以重險薦阻迂
以危途繚徑我之乘險以用奇則難彼之因險以制奇則
易況於客主勢懸蘊蓄情露無虜掠以爲資無俘獲以備
役以有限之險雖有奇謀秘略無所用之力無所用與無
力同勇無所施與不勇同計不能行與無計同泰山壓卵
之勢河海濯蕪之舉擁遏頓滯盤桓而不得進所謂强弩

之末不能射魯縞者也為今之計則宜救已然之失防未然之變而已西師旣構猝不可解如兩虎相鬪猝入于巖阻見之者辟易不暇又焉能以理相諭使之逡巡自退彼知其危竭國以并命我必其取無由以自悔兵連禍結何時而已殿下宜遣人稟命於行在所大軍靡境遣使諭宋示以大信令降名進幣割地納質彼必受命姑為之和偃兵息民以全吾力而圖後舉天地人神之福也稟命不從殿下之義盡而後進吾師重慎詳審不為躁輕飄忽為前定之謀而一之以正大假西師以為奇而用吾正比師南轅先示恩信申其文移喻以禍福使知殿下仁而不殺非

好攻戰闢土地不得已而用兵之意誠意昭著恩信流行
然後閱實精勇別為一軍為帳下之卒舉老成知兵者俾
為將帥更直宿衛以備不虞其餘師眾各畀伯使吾府
大官元臣分師總統為戰攻之卒其新入部曲嘗不知兵
雖名為兵其實役徒者使必邊進築與敵郡邑犬牙相制
為屯戍之卒推擇單弱究竟逃匿編葺部伍使聞望重臣
為之撫育總押近裏故屯為鎮守之卒使掣肘之計不行
妄意之徒屏息內外備禦無有缺綻則制節以進既入其
境敦陳固列緩為之行彼善於守而吾不攻彼恃城壁以
不戰老吾吾合長圍以不攻困彼吾用吾之所長彼不能

用其長選出入便利之地爲久駐之基示必取之勢毋焚
廬舍毋傷人民開其生路以攜其心函肆以疲多方以誤
以弊其力兵勢旣振蘊蓄旣見則以輕兵掠兩淮杜其樵
採而遏其糧路使血脉斷絕各守孤城示不足取即進大
兵直抵于江公江上下列屯萬竈號令明肅部曲嚴整首
尾締構各具舟楫聲言徑渡彼必震疊自起變故蓋彼之
精銳盡在兩淮江面闊越恃其巖阻兵皆柔脆用兵以來
未嘗一戰焉能當我百戰之銳一處崩壞則望風皆潰眩
髒不續外內限絕勇者不能用而怯者不能敵背者不能
返而面者不能禦水陸相擠必爲我乘是兵家所謂避堅

攻瑕避實擊虛者也如欲存養兵力漸次以進以圖萬全則先荆後淮先淮後江彼之素論謂有荆襄則可以保淮甸有淮甸則可以保江南先是我嘗有荆襄有淮甸有上流皆自失之今當從彼所保以為吾攻命一軍出襄鄧直渡漢水造舟為梁水陸濟師以輕兵綴襄陽絕其糧路重兵皆趨漢陽出其不意以伺江隙不然則重兵臨襄陽輕兵捷出穿徹均房遠叩歸峽以應西師如交廣施黔選鋒透出夔門不守大勢順流即并兵大出摧拉荆郢橫潰湘潭以成犄角一軍出壽春乘其銳氣并取荆山駕淮為梁以通南北輕兵抄壽春而重兵支布於鍾離合淝之間掇

拾湖樂奪取關隘據濡須塞皖口南入舒和西及於蘄黃
徜徉恣肆以覘江口烏江采石廣布戍邏偵江渡之險易
測備禦之踈密徐爲之謀而後進師所謂潰兩淮之腹心
挾長江之襟要也一軍出維揚連楚蟠巨蹈跨長淮鄰我
強對通泰海門揚子江面密彼京畿必皆備禦堅厚若遽
攻擊則必老師費財當以重兵臨淮揚合爲長圍示以必
取而以輕兵出通泰直塞海門瓜步金山柴墟河口游騎
上下吞江吸海並著威信遲以月時以觀其變是所謂圖
緩持久之勢也三道並出東西連衡殿下或處一軍爲之
節制使我兵力常有餘裕如是則未來之變或可弭已然

之矢一日或可救也議者必曰三道並進則兵分勢弱不若併力一向則莫我當也曾不知取國之術與爭地之術異併力一向爭地之術也諸道並進取國之術也昔之混一者皆若是矣晉取吳則六道進隋取陳則九道進宋之於南唐則三面皆進未聞以一旅之衆而能克國者或者有之僥幸之舉也豈有堂堂大國師徒百萬而為僥幸之舉乎况彼渡江立國百有餘年紀綱脩明風俗完厚君臣輯睦內無禍釁東西南北輪廣萬里亦未可小自敗盟以來無日不討軍實而申警之彷徨百折當我強對未嘗大敗不可謂弱豈可蔑視謂秦無人直欲一軍倖而取勝乎

秦王問王翦以伐荆翦曰非六十萬不可秦王曰將軍老矣命李信將二十萬往不克卒畀翦以兵六十萬而後舉楚蓋衆有所必用事勢有不可懸料而倖取者故王者之舉必萬全其倖舉者崛起無賴之人也嗚呼西師之出已及瓜戍而猶未即功國家全盛之力在於東左若亦直前振迅銳而圖功一舉而下金陵舉臨安則可也如兵力耗弊役戍遷延進退不可反為敵人所乘悔可及乎固宜重慎詳審圖之以術若前所陳以全吾力是所謂坐勝也雖然猶有可憂者國家掇取諸國飄忽凌厲本以力勝今乃無故而為大舉若又措置失宜無以挫英雄之氣服天下

之心則稔惡懷姦之流得以窺其隙而投其間國內空虛
易為搖蕩臣愚所以諄諄於東師反覆致論謂不在於已
然而在於未然者此也遂會兵渡江圍鄂州聞憲宗崩召
諸將屬議經復進議曰易言知進退存亡而不失其正者
其惟聖人乎殿下聰明睿知足以有臨發強剛毅足以有
斷進退存亡之正知之久矣嚮在沙陀命經曰時未可也
又曰時之一字最當整理又曰可行之時爾自知之大哉
王言時乘六龍之道知之久矣自出師以來進而不退經
有所未解者故言于真定于曹濮于唐鄧亟言不已未賜
開允乃今事急故復進狂言國家自平金以來惟務進取

不遵養時晦老師費財卒無成功三十年矣蒙哥罕立政
當安靜以圖寧謐忽無故大舉進而不退畀王東師則不
當亦進也而遽進以爲有命不敢自逸至于汝南旣聞凶
訃卽當遣使徧告諸帥各以次退修好于宋歸定大事不
當復進也而遽進以有師期會于江濱遣使喻宋息兵安
民振旅而歸不當復進也而又進旣不宜渡淮又豈宜渡
江旣不宜妄進又豈宜攻城若以幾不可失敵不可縱亦
旣渡江不能中止便當乘虛取鄂分兵四出直造臨安疾
雷不及掩耳則宋亦可圖如其不可知難而退不失爲金
兀朮也師不當進而進江不當渡而渡城不當攻而攻當

速退而不退當速進而不進役成遷延盤桓江渚情見勢
屈舉天下兵力不能取一城則我竭彼盈又何俟乎且諸
軍疾疫已十四五又延引月日冬春之交疫必大作恐欲
還不能彼旣上流無虞呂文德已并兵拒守知我國疵鬪
氣自倍兩淮之兵盡集白鷺江西之兵盡集隆興嶺廣之
兵盡集長沙閩越汭海巨舶大艦以次而至伺隙而進如
遏截於江黃津渡邀遮于大城關口塞漢東之石門限郢
復之湖灤則我將安歸無已則突入江浙擣其心腹聞臨
安海門已具龍舟則已徒往還抵金山并命求出豈無韓
世忠之儔且鄂與漢陽分據大別中挾巨浸號為活城肉

薄骨并而拔之則彼委破壁孤城而去沂流而上則入洞庭保荆襄順流而下則精兵健櫓突過滌黃未易遏也則亦徒費人命我安所得哉區區一城勝之不武不勝則大損威望復何俟乎雖然以王本心不欲渡江旣渡江不欲攻城旣攻城不欲并命不焚廬舍不傷人民不易其衣冠不毀其墳墓三百里外不使侵掠或勸徑趨臨安曰其民人稠夥若往雖不殺戮亦被踐蹂吾所不忍若天與我不必殺人若天弗與殺人何益而竟不往諸將歸罪士人謂不可用以不殺人故不得城曰彼守城者祇一士人賈制置汝十萬衆不能勝殺人數月不能拔汝輩之罪也豈士

人之罪乎益禁殺人歸然一仁上通于天以有歸志不能
遂行耳然今事急不可不斷也宋人方懼大敵自救之師
雖則畢集未暇謀我第吾國內空虛塔察國王與李行省
肱髀相依在於背脅西域諸胡窺覘關隴隔絕旭烈大王
病民諸姦各持兩端觀望所立莫不覬覦神器染指垂涎
一有狡焉或啟戎心先人舉事腹背受敵大事去矣且阿
里不哥已行赦令令脫里赤為斷事官行尚書省據燕都
按圖籍號令諸道行皇帝事矣雖大王素有人望且握重
兵獨不見金世宗海陵之事乎若彼果決稱受遺詔便正
位號下詔中原行赦江上欲歸得乎昨奉命與張仲一觀

新月城自西南隅萬人敵上可並行大車排槎弗樓締構
重複必不可攻祇有許和而歸耳斷然班師亟定大計銷
禍於未然先命勁兵把截江面與宋議和許割淮南漢上
梓夔兩路定疆界歲幣置輜重以輕騎歸渡淮乘驛直造
燕都則從天而下彼之姦謀僭志冰釋瓦解遣一軍逆蒙
哥罕靈輿收皇帝璽遣使召旭烈阿里不哥摩哥及諸王
駙馬會喪和林差官於汴京京兆成都西涼東平西京北
京撫慰安輯召真金太子鎮燕都示以形勢則大寶有歸
而社稷安矣會宋守帥賈似道亦遣間使請和廼班師明
年世祖即位以經為翰林侍讀學士佩金虎符充國信使

使宋告即位且定和議仍敕沿邊諸將毋抄掠經入辭賜
蒲萄酒詔曰朕初即位庶事草創卿當遠行凡可輔朕者
亟以聞經奏便宜十六事皆立政大要辭多不載時經有
重名平章王文統忌之既行文統陰屬李璿潛師侵宋欲
假手害經經至濟南璿以書止經經以璿書聞于朝而行
宋敗璿軍于淮安經至宿州遣副使劉仁傑叅議高翹請
入國日期不報遺書宰相及淮帥李庭芝庭芝復書果疑
經而賈似道方以却敵為功恐經至謀泄竟館經真州經
乃上表宋主曰願附魯連之義排難解紛豈知唐儉之徒
歟兵誤國又數上書宋主及宰執極陳戰和利害且請入

見及歸國皆不報驛吏棘垣鑰戶晝夜守邏欲以動經經
不屈經待下素嚴又久羈困下多怨者經諭曰嚮受命不
進我之罪也一入宋境死生進退聽其在彼我終不能屈
身辱命汝等不幸宜忍以待之我觀宋祚將不久矣居七
年從者怒鬪死者數人經獨與六人處別館又九年丞相
伯顏奉詔南伐帝遣禮部尚書中都海牙及經弟行樞密
院都事郝庸入宋問執行人之罪宋懼遣總管段佑以禮
送經歸賈似道之謀既泄尋亦竄死經歸道病帝勅樞密
院及尚醫近侍迎勞所過父老瞻望流涕明年夏至闕錫
燕大庭咨以政事賞賚有差秋七月卒年五十三官為護

喪還葬謚文忠明年宋平經爲人尚氣節爲學務有用及
被留思託言垂後撰續後漢書易春秋外傳太極演原古
錄通鑑書法玉衡真觀等書及文集凡數百卷其文豐蔚
豪宕善議論詩多奇崛拘宋十六年從者皆通於學書佐
苟宗道後官至國子祭酒經還之歲汴中民射鴈金明池
得繫帛書詩云霜落風高恣所如歸期回首是春初上林
天子援方繳窮海纍臣有帛書後題曰至元五年九月一
日放鴈獲者勿殺國信大使郝經書于真州忠勇軍營新
館其忠誠如此二弟彝庸皆有名彝字仲常隱居以壽終
庸字季常終潁州守子采麟亦賢起家知林州仕至山南

元故翰林侍讀學士國信使郝公神道碑銘

集賢學士嘉議大夫盧摯撰

公諱經字伯常郝氏自潞徙澤之陵川始公八世祖祚曾
祖昇祖天挺父思溫旣歿其徒相與號靜直處士有三男
子公其長子也八世祖而下皆同居業儒不仕以淑其里
竭休滄慶廼發于公壬辰之變靜直君流寓燕趙間公年
十餘歲沉塞靜重狀貌瓌奇精敏有志趣盡力子職及其
爲學晝或忘晡通夕詰旦衣服危坐諷誦不輟劬勤如此
凡五六年剗剗捩摩磊砢而直廉卓而輝涵積揉累日殊
月異擷芳雋腴充而足之趨武周孔比肩淵軻雷風斯文

陶冶當世慨然以為已任山峙川駛天遊神遇屹乎莫移
浩乎莫禦變化不可測矣既冠順天道左副元帥賈公輔

一見待以國士萬戶張蔡公柔館公帥府張賈子弟皆從

質學海內名諸侯聞伯常之風者莫不飭使介走書幣庶

幾屈為賓友公一謝絕世祖在潛邸羅致異雋挹其聞去聲

遣使者一再起公既奉清問上稽唐虞下迨湯武所以仁

義天下者緩頰以談粲若所陳也帝喜喻所聞凝聽忘倦

且俾書所欲言者條數十餘事皆援据古義劇切時病及

踐祚更化用公之言居多歲已未憲宗自將伐宋建上聲益

上流世祖摠東帥跨荆鄂公建議大槩以謂彼無釁可乘

未見利唯修德以應天心發政以慰人望簡賢以尊將相
悼族以壯基圖撫殊俗制列鎮以防窺竊結盟保境興文
治飭武事育英材恤罷氓以培植元氣藏器於身待時而
動則宋可圖矣帝偉公所論以為江淮荆湖南北等路宣
撫副使然勢不中止遂絕江圖鄂守將賈似道駭遽請和
屬憲廟升遐王師言還明年世祖即皇帝位詔公以翰林
侍讀學士使宋號使曰國信錫金虎符公方踰淮邊將李
壇輒潛師侵宋兩淮制置李庭芝寓書于公巉以歛兵館
留真州藉為口實公荅書弭兵息民通好兩國實出聖衷
日諭邊將戢戍守圍以契和議衆所聞知今啟釁自壇一

旦律以遠詔將無所逃罪此何與使人事也公復上書宋
主移文其執政論辯古今南北戰和利害甚悉皆不報顧
窮極變詐以撼公之志知其終不可怵於詭數也建鐻館
所塹垣柵棘驛吏訶閹夜士鳴柝防閑挫抑獄犴之嚴不
啻如此介佐而下久于囚羈戚嗟尤怨無復生意公語之
曰卿顧望不前將命之責一入宋境死生進退聽其在彼
守節不屈盡其在我者豈可不忠不義以辱中州士大夫
乎但公等不幸須忍死以待揆之天時人事宋祚殆不遠
矣衆服其言亦皆自振勵至元十一年右丞相伯顏奉辭
南伐江漢名城望風鄉附世祖命禮部尚書詰宋執行人

之故遂以禮歸公聞嬰疾在途醫問絡繹既至錫燕路朝以張異睠隱其瘁于厯事也詔治疾於家病殆不起以聞天子悼焉官其子采麟奉訓大夫起家知林州初公之使宋也內則時相王文統忌公重望排置異國陰屬邊將違詔侵宋沮撓使事欲以歛兵假手害公外則宋權臣似道竊郤敵為功取宰相畏公露其丐盟幸免之跡遂主議稽留舉國皆知其非似道不恤也公拘儀真館十有六年去國未幾而文統伏誅甫歸國宋探誤國之罪似道殛宋隨以滅然則懷姦怙寵傾陷良善雖暫若得計機發禍敗會不旋踵抑宋有亡徵公與阮會其患難不渝始終名節寤

一時而亨百世者初非不幸也公歸以十二年四月卒以是年七月乙酉春秋五十有三是月丁酉權厝保定府西靜直君墓次公幼至孝撫諸弟極厚待宗族䟽近如一篤友樂施德於已者雖細惠必報然偉特方嚴風岸隋立衆不可攀薰良猶姦題帖無貸故用世之志適際可爲已隋奇擯旣處幽所日以立言載道爲務撰續後漢書紬不擠權還統章武以正壽史之失著春秋外傳易外傳太極演原古錄通鑑書法玉衡真觀刪注三子一王雅行人志各數十卷公於辭以理爲主雄渾有氣文集若干卷傳于世嗚呼功於斯術者不旣多乎捐累適已又何其勤也公娶

張氏淑明祇修媿德君子後公卒子男三人二早卒一采麟也以文學行治擢置侍從今爲集賢直學士朝列大夫女子二人皆已嫁孫二人皆幼其孤采麟謀徙公之厝兆孟州河陽縣某鄉某里卜叶則次公生平事來謂涿郡盧摯曰先子葬有日墓隧之碑宜得銘得銘非信後詒遠者銘猶無刻也夫子宜銘摯惟侍讀公以宗儒文雄有勞烈于國敘德暴庸莫詳史氏其堅毅忠壯抱負不可揜者名聲昭徹雖走卒牧豎深閨婦人皆能道公姓字與沒世無聞者異信後詒遠何待墓刻然固不可無銘也銘曰
鍾氣之奇唯志是持緒道之微而才可爲振國鄒魯驟乘

傳伊獵德游藝載驅載馳孰濬其豬孰植其茲孰芬其藪
孰煦孰吹有實其居賓吾能戲音聖潛于藩髦選無遺裾
曳冠巍憲言初初躍淵天飛鱗公雲達迺睠南顧迺休王
師迺命鴻碩柔遠淮夷夷速其顛公凜乎危削斬操觚榮
觀幽羈刪述音分名義昭垂薄言還歸昔壯今耆胡不
康寧胡不期願胡不三事為國著龜清廟宗彝不旣厥施
輿論嗟嘻蒸蒸嗣慶圖永孝思刻文墓碑以顯詩之

元故翰林侍讀學士國信使郝公墓誌銘

翰林學士承旨正奉大夫知制誥兼修國史閣復撰

一天下之道有二以仁以得人奚以仁孟軻氏所謂不嗜
殺人者能一之奚以得人漢史所謂知人善任使所以成
帝業也洪惟世祖聖德神功文武皇帝之取江南其審是
道歟我朝肇起朔方奄宅中夏惟靖康餘孽假息一隅干
戈相尋餘數十年中統建元之初首遣信使通好以偃兵
息民為務宋人怙險執我行人久之而不返始與問罪之
師臨軒命將引宋將曹彬不殺為戒其一天下之仁灼見
于此為將帥者卒能以仁義之師席卷三吳所過市不易

肆三代名將不啻過焉奉使節者被執十六年之久卒能
完節而歸不辱君命兩漢名臣無以尚之嗚呼世祖皇帝
知人之明遠追堯舜豈區區漢祖所可比隆哉將帥謂誰
大丞相伯顏是已奉使謂誰故翰林侍讀學士郝公其人
也公諱經字伯常系出有殷帝乙支子封太原郝鄉子孫
因土命氏八世祖祚自潞徙澤之陵川遂為陵川人祖諱
天挺考諱思温八世同居以儒術教授鄉里考歿門人謚
曰靜直處士靜直公三子公其長也幼不好弄沉厚寡言
金季亂離父母挈之河南偕眾避兵潛匿窟室兵士偵知
燎煙于穴爨死者百餘人母許亦預其禍公甫九歲暗中

索得寒菹一甌挾齒飲母良久乃蘇其卓異見于童稚若此金亡北渡僑寓保定亂後生理狼狽晨給薪水晝理家務少隙則執書讀之父母欲成其志假館于鐵佛精舍俾專業于學坐達旦者凡五年初被郡帥賈侯之知待以賓禮蔡國張公聞其名延之家塾教授諸子蔡國儲書至萬卷付公管鑰恣其搜覽公才識超邁務爲有用之學上泝洙泗下迨伊洛諸書經史子集靡不洞究掇其英華發爲詞章論議視前古慨然以羽翼斯文爲任自是聲名藉甚藩帥交辟皆不屑就時世祖在潛以太弟之貴開府朔庭招集四方賢士講明當世之務歲丙辰公應召而北優被

顧問首陳唐虞三代治道以對又條經國遠圖及民間利病凡數十事悉見嘉納歲已未憲宗皇帝大舉伐宋取道巴蜀世祖奉命帥東道兵直趣鄂岳以公從行公乘間進言王者之師有征無戰巴蜀地險宋人邊圉孔固萬恐鑿輿西邁非萬全之舉也我師未可輕進宜修德以應天心布澤以係民望敦族以固根本警備以防未然蓄銳以養兵力相峙而動江左不足圖也世祖偉其說會立江淮宣撫司授公宣撫副使以先啓行布宣威德招納降附所活不可勝計是歲秋王師渡江圍鄂憲宗皇帝次合州綴于一砦師久無功未幾上仙凶聞至軍中會宋人請和即命

班師明年世祖御極欲柔服宋人以公奉使告登寶位且
徵前日請和之議或為公言宋人譎詐叵信盍以疾辭公
曰自南北邁難江淮遺黎弱者被俘畧壯者死原野兵連
禍結斯亦久矣聖上一視同仁務通兩國之好雖以微軀
蹈不測之淵苟能弭兵靖亂活百萬生靈于鋒鏑之下吾
學為有用矣乃授翰林侍讀學士佩金虎符充國信使初
鄂渚之役宋將賈似道遣介乞和王師旣還遂以扞城為
已功入拜偽丞相顓制國事宋主仰成而已聞公來聘恐
泄句和之議故館于儀真不聽其入公被留旣久上書宋
主移文相府開陳古今和戰利病喻以禍福存亡之理累

數十萬言皆不報又數以詭計撼公公曰吾家業儒凡七世矣顧肯虧忠義大節以辱中州士大夫乎佐從數十輩雖被館穀嚴扃錮鐵環兵擊柝如隋狴犴中人人鬱抑殆無生意公厲志堅貞確然如石不可轉也至元十一年大丞相伯顏戈船南下奉辭伐罪宋主懼而歸公始知似道姦謀誤國即加竄殛十二年公至京師世祖錫宴于路朝慰勞良久公自中途遘疾至是增劇異日車駕幸上都公留治疾以七月乙酉終于所居之正寢春秋五十有三朝廷憫其忠節特授公子采麟奉訓大夫知林州凡從公使宋者賜爵有差噫宋之亡也非若吳皓之昏暴陳叔寶之

昏淫以姦臣制主弗體聖朝好生之德拘執行人自啟兵
端爾嚮使從公之言講信修睦則干羽之舞不專美于虞
庭宗廟血食微若敖氏之嘆矣蓋宋運將終天開皇元混
一之期以至歸版圖于職方納降王于軒陛惜公不及見
焉悲夫公在儀真日以著述為事准通鑑綱目作續後漢
書以正史壽之失著春秋周易外傳太極演原古錄通鑑
書法玉衡真觀注三子一王雅行人志等書凡數百卷先
哲立言垂世多自幽憂困吝中是知天之厄公適所以厚
公也夫人淇澳張氏貞靜端淑教子有法後公十年卒三
子二早卒采麟今官集賢直學士朝請大夫文章行業克

世其家二女適某氏適某氏孫墅尚幼二弟彞字仲常韜
晦不仕庸字季常累官奉訓大夫知潁州事公之歿也權
厝於保定西郭靜直君墓側大德三年春遷窆於河陽虎
頭山之原從吉兆也先事朝請君持准東道肅政廉訪副
使苟宗道所述家傳請銘幽隧復嘗與君同僚義不可辭
銘曰

虎山兮蒼蒼河水兮洋洋山之麓兮河之陽有堂其封兮
郝公之藏昔公之往矣金虎斯煌偃革息民兮仁信是將
羌宋人之弗寤兮乃底滅亡公陷荆吳十六年之久兮秉
使節之堂堂英風義槩高古之人兮耿百世其垂光虎山

兮茫茫河水兮湯湯山之永兮河之長郝氏餘慶兮淵平
未央

Blank columns for text.

木兮... 山之... 水兮... 其味... 乃... 鍾... 靈... 兮...

故翰林侍讀學士國信使郝公行狀

公諱經字伯常姓郝氏系出有殷帝乙之支子封太原郝鄉子孫為世八世祖祚自潞州徙澤之陵川縣故世為陵川人曾大父諱昇字子進母某氏大父諱天挺字晉卿母某氏父諱思溫字和之既歿門人謚曰靜直處士母許氏自八世祖以下皆同居業儒置德不仕教授鄉里為一郡望族靜直君生三子長即公也次曰彛曰庸公幼不好弄沉厚寡言始知讀書能強記不忘歲辛卯靜直君與夫人許氏攜公避亂于河南魯山與衆數百皆匿于窟室居無何敵人索知氣薰穴而死者殆盡太夫人亦因咽塞而絕

時公甫九歲匍匐摸索得黃蠶一瓶又得蜜一器隨用太夫人所佩剪刀抉其齒以密和蠶汁飲之少頃而蘇靜直君異之雖奔走瀕死者數愛公不忍棄也歲壬辰河南亡徙居順天府亂後生理狼狽靜直君欲令次子讀書俾公專治家事以紓目前之急太夫人曰吾觀是兒志貌不凡他日必大吾門忍令廢學以墜家聲不過我輩忍窮數年耳靜直君以為然命公就學公亦自振勵雞鳴而起執薪水之役晝則營幹家事少隙執書讀之而不輟也會鐵佛寺僧張仲安者識公茂異以寺之南堂居公聚童子而教之公遂刻苦力學肆意窮討衣不解帶忘寢與食坐徹明

者五年每遇疑難則沉思良久反覆諷誦期於必得必悟而後已嘗自誦曰不學無用學不讀非聖書不務邊幅事不作章句儒達必先天下之憂窮必全一己之娛賢則顏孟聖則孔周詎如膏如脂爲碌碌之徒而已耶故慨然以興復斯文道濟天下爲己任讀書則專治六經潛心伊洛之學涉獵諸史子集以窮理盡性修己治人爲本其餘皆厭視而不屑也故世之爲決科干祿纂組詞章之學者始則羣聚訕笑終亦拱視而服之矣旣冠順天路左副元帥賈侯一見待以國士辟公教授諸子以書萬卷俾公讀之數年公聲名日盛萬戶蔡國張公聞之禮請公館于帥府

授諸公子學張公復有書萬卷付公之管鑰恣其搜覽公
乃大足平生之願卒成偉世之器厥後張賈子孫比皆為
將相名臣以顯於世初遺山元先生學於公之大父亂後
往來燕趙間一見公奇之曰吾子狀類先生才識間出家
世淵源有所積而然也遂相與論作詩作文法復勉公以
百世遠大之業江漢趙先生愛公文筆雄贍練達性理謂
之曰江左為學讀書如伯常者甚多然似吾伯常挺然一
氣立於天地之間者蓋亦鮮矣自是而名益重焉諸鎮侯
伯馳書交幣各欲聘為已用皆拒而不荅歲壬子今上以
皇太弟開府於金蓮川徵天下名士而用之故府下諸公

累薦公於上乙卯秋九月上遣使召公不起十一月召使
復至公乃歎曰讀書爲學本以致用也今王好賢惡治如
此吾學其有用矣歲丙辰正月見於沙陀上問以帝王當
行之事公援引二帝三王治道以對且告以親親而仁民
仁民而愛物之義自朝至晡上喜溢不倦自後連日引對
論事甚器重之且命條奏所欲言者公乃上立國規模二
十餘條以爲創法立制必有一定規模然後可行故有一
國規模有天下規模有萬世規模當今依倣前代建立萬
世規模皆當時天下國家大事上復問當今急務公舉天
下蠹民害政之尤者十一條上之切中時弊上皆以爲善

雖不能即用至中統後凡更張制度用公之言十六七歲
已未憲宗皇帝帥天下兵大舉伐宋自西川入今上總兵
直趣荆鄂遣使召從行上駐蹕於濮會軍師有以宋臣植
齋奏議呈獻者言宋邊防衝要忌吾者凡七處上召諸公
共議公乃具奏以為古之一天下者必已之德澤深厚紀
綱完具彼之荒淫亂虐敗亡有釁天命人歸一舉而取之
其地醜德齊驕肆妄動輕則見沮而還重則覆亡之不暇
我國家開創以來彎弓躍馬窮征遠討四十餘年紀綱未
立民不聊生彼之君臣輯睦政事修明無釁可乘我乃空
國而來僥倖一舉諸侯窺伺於內小民彫弊於下故人之

攻吾者不啻數十百道而不備乃利人久備之道而攻之
臣見其危矣願王整兵修武以俟西師藏器於身待時而
動與帝修帝德以應天心明王道以慰人望簡賢良以尊
將相親宗室以壯基圖撫諸國以消僭慝制諸道以防窺
竊實屯戍以嚴武備結盟好以弭兵鋒興學校以育英才
恤瘡痍以養元氣如是則禍變可弭社稷無虞我無釁而
宋可圖矣上見公儒生談論兵事剴切愕然曰是汝與張
拔都共議邪公曰臣少館於張侯之門亦嘗聞其論議此
特臣臆說張侯初不與知也公退而著書義名之曰七道
凡七千餘言會以前中書令楊公惟忠爲江淮荆湖南北

等路宣撫使命公爲副使以歸德路一軍聽二公節制行至棗陽楊公以私故欲還汴梁公曰嚮者奉命令我輩布宣恩信以先啟行傳聞王師已踰淮蔡我若背馳還汴是大不可楊公弗聽公反覆辨爭楊公怒而起曰事當從長遂不與公會面者三日公乃率戲下擬建旆而南楊公悔懼抵暮詣門而謝曰某誤矣公之執守讀書之力也敢不唯命是聽翼日遂與之俱會王師於江上此又足以見公之不爲阿諛詭隨有如此者公等存恤遺黎聽納降附所至民皆聚拜馬首故遠近降者如歸所活不可勝計繼而聞西師果以萬乘之威綴于一寨數月不拔死傷甚衆公

急上奏曰東師議大略以爲且當按兵觀釁以全東師所
以防禍於未然者周至懇到上稱善者久之然與帝業已
定約不獲中止遂渡江圍鄂未幾憲宗凶問至自合州鄂
人乃據城堅守不下師竟無功而還明年庚申三月上即
皇帝位於開平四月遣使召公欲令使宋公適自江上回
或勸公稱疾勿行公曰吾讀書學道三十餘年竟無大益
於世今天下困弊已極幸而天誘其衷主上有意息兵是
社稷之福也儻乘幾挈會得解兩國之鬪活億萬生靈吾
學爲有用矣遂赴召夏四月見於開平以公爲翰林侍讀
學士賜佩金虎符充國信大使齎國書入宋告登寶位布

通好弭兵息民意仍詔沿邊諸將毋得出境侵抄及陞辭
公請與一二蒙古偕行帝不許曰只卿等往彼之君臣皆
書生也且賈似道在鄂時已嘗請和於我矣將出帝賜蒲
萄酒三爵且命公曰朕初即位凡事草創卿今遠行所當
言者可亟上之公乃具草言帝臨御之初當大有為以定
萬世之業皆佐王經世之略凡十六條其言備禦西王罷
諸道世襲尤為切至帝皆節次行之初朝廷將遣公等命
益都路行省李壇先差人達知亡宋夏五月公至濟南壇
以書來止公云近遣劉仙等二人至淮安已為知州葉再
遇所殺宋人意殊叵測公等可無行也壇意實不喜和議

故因此以止公公曰吾受命朝廷持節而出若以邊將之言而遽回罪也遲疑顧望而不進亦罪也乃以瑄言聞諸朝而行六月至宿州以信使一行到邊移文亡宋三省樞密院制置司以請接納宋之君臣會議久而不報時邊帥有侵略宋境俘獲生口而去者公遣人追及之責以不遵約束之罪仍將生口數十護送各歸本業七月進至五河口宋人遣揚州制置司幹官朱寶臣遙授陳州通判秦之才來接伴八月復遣懷遠軍招撫司叅謀潘拱伯來館伴仍請登舟而南公將入宋境憂朝廷初政治具未完事有未善者遣使上封事言闕失以為國家振舉綱維修明禮

樂雖不能便如三代亦當期致漢唐不宜苟且叅用儉人以蠹國政又極論風俗者天下之命脉方今最為敗亂當速修理行次昭信伴使潘拱伯傳兩淮制置使李庭芝欲一見國書公正色曰皇帝授使人國書令見貴朝國君而與之今伴使要我於半途其故何哉拱伯不敢復言九月至真州館於忠勇軍營宋人規模布置已成囚所矣十月宋遣吉州刺史兩淮制置司諮議官衛司愈來傳宣撫問云蒙國遣使通好實出美意為李松壽一再犯邊故且館留儀真又出李庭芝一書云信使以美意而來松壽乃懷寤以逞以此而和殆類欵我仍械繫李璿敗將劉軍判者

以爲口實初公之在宿州李壇潛師侵宋宋人敗之淮安
故以款兵之事誣我公荅書大略開陳聖主通好美意中
間別無蓋藏至於邊將用兵啓釁彼自不遵詔旨何與使
人事仍上表宋主有云願附魯連之義排難解紛豈如唐
儉之徒款兵誤國宋人見公辭直理順遂不復言自後公
等移文制置司請入見不報請歸國亦不報乃牒宋三省
樞密院致書平章賈似道上書宋主闕下反復辨論古今
南北戰和利害并今次遣使止是告登寶位布通好弭兵
息民意前後凡數十萬言皆不報伴使等但云朝廷已有
定議矣初公之爲使也雖出於聖上本意平章政事王以

道忌公威望軋已乃力贊之仍親作國書以促公行蓋欲
排置于外也宋人既定議留公不遣見公辭氣曾無少沮
明年伴使朱寶臣等偽報本朝異聞公弗聽復累言之欲
離貳公心以起降意公厲聲曰此事斷無設若有之更當
發遣我輩還國公乃與介佐一行束裝露次于庭者月餘
以請歸宋人知公終不可屈乃堅請復位後果虛妄公在
真州所居之館故總制廳事也館門扃鐫牢固無故不復
啓鑰院中舊有大樹數株盡皆斫去牆高丈餘上則樹以
蘆棚下則荐之以棘外則掘壕塹置鋪屋兵卒坐鋪者恒
百餘人晝則周圍覘伺夜則巡邏擊柝所以防閑挫抑者

無所不至公皆不以為意益振其剛大之氣不作委靡乞
憐之態公御下頗嚴介佐人員見宋以長久之計羈縻不
遣時亦有怨嗟者公謂之曰吾一介書生蒙主上兩徵而
起一命為宣撫使再命為國信大使捨忠與義其何以報
嚮在淮北猶豫顧望畏避不前我之罪也一渡長淮宋既
接納盡其在我者而已其死生進退在於彼國吾惟有一
守節不屈耳吾祖宗以來七世讀書寧肯為不忠不義以
辱及中州士大夫乎但君等不幸同在患難且宜忍死以
待吾以天時人事測之宋之氣數不遠矣衆皆悅服故雖
被拘執十有六年除物故三數人外皆能與公俱歸蓋以

公平生忠義之氣有以激勵而然也歲丙寅春三節人有
因鬪毆相殺死者公曰若輩拘囚歲久殆無生意是不可
與共處此困厄也恐別生事端玷吾大節乃與幕僚苟宗
道等六人築館別居於外者又九年片天之下四壁之內
秋霖夏暑不勝其苦公處置一定雖萬折而不衄著書吟
詠自若也宋人知公志節終不可奪亦不忍害反畏而敬
之日給廩餼頗有加焉至至元十一年甲戌大丞相伯顏
將兵伐宋既渡江帝命兵部尚書廉希賢洎公之弟行樞
密院都事郝庸等齎詔赴杭州問以執行人之故宋人懼
遂禮而歸公焉明年三月帝知公至且病遣近侍太醫迓

公者相次于道所過郡邑不遠數百里來觀者如市父老見公全節不屈龍鍾皓首而歸徃徃有泣下者夏四月至京師入見帝嗟慰勞來懇至賜宴畢復召入賜坐論事適大臣奏呈諭宋詔草不稱旨俾公改作公援筆立就帝稱善即行之至晡乃出翌日車駕幸上都令公就醫看治無何宿疾復作秋七月十有六日疾革其子采麟問以後事仍以紙筆呈公公執筆目半暝但書天風海濤四字餘無所言少頃終于所居之正寢春秋五十有三天下聞而哀之越二十有八日采麟奉柩都省差官護送權厝于保定府西郭外靜直君之墓側公雖沒四海九州之內牛童馬

走皆能道公姓字矣後朝廷憫公忠節凡從公歸者各命官有差特命其子采麟以奉訓大夫知林州初上之圍鄂也賈似道惟而請和上未之許而聞先帝昇遐班師北歸似道遂以為已有却敵之功誣奏宋主即軍前拜相甫入朝秉政而公徃奉使議和以尋前約似道諱其前言之失耻為城下之盟故定議羈留公等于真州舉國皆知其非唯似道主而不遣也噫公入宋之初而似道拜相公歸數月而似道見殺公沒之明年而宋亡公之一身關係兩朝之興喪惜乎不得一見而終也公生於喪亂之後能巖崕振拔不為流俗所移以蓋世豪邁之氣堅忍不渝之志為

成已成物之學故能深造自得一體用兼本末貫萬物而不遺至於太極先天造物之機道德性命之情之妙與夫聖賢心傳踐履之實古今開濟天下之要則尤精察洞究粹然一出乎孔孟之正諸子以下不屑論也蓋將唱鳴吾道揮斥百家邪說之蠹橫聖門而禦侮高明正大挺然一世之傑所以能建奇功立大節著書傳道以大儒名天下後世其或賦詩飲酒邀賓接物而英風逸氣有足以動人者此特公游泳陶寫之餘事耳其文則涵養蘊蓄之久理足而氣有餘蓋有激于中則吐而為之辭如長江大河有源有委下筆數千百言不求奇而自奇無意於法而皆法

純乎理性而不雜故能自成一家之作其詩則氣韻高遠
止乎禮義得詩人忠厚之意故能攄寫至理吟咏性情不
為近體尖新切律之語亦足以自成一家字畫則天姿高
古取衆人所長以為已有故有筆勢俊逸道勁似其為人
無傾側頗媚之態亦為當代名筆公自幼事父母以孝謹
稱事繼母尤篤撫育弟妹甚厚以全八世同居之義亂後
得親族疎遠者待之亦同骨肉與人交結始終以誠而又
喜交游好施與樂為善事受人之恩必切切思報雖小而
不忘為人軀幹瓌偉氣貌嚴肅胸次洞達辭鋒雄辨望之
凜然有不可犯之色但資賦剛方疾惡太甚故屢中小人

之禍拘留宋中不與世接反得究竟平生著述公自弱冠
每以陳壽所修三國志統紀紊亂尊魏抑漢後世不公之
甚他日必當改作及聞晦菴先生有通鑑綱目嘗語人曰
綱目雖奪魏統而與漢然一代完書終未改正公乃創作
紀傳序志論贊等書其辭例森嚴正大雄深雅健黜姦雄
之僭偽續一世之正統則昭烈孔明之心白日正中也仍
改曰續後漢書若干卷以春秋聖人用道之書學者所宜
深究乃作章句音義若干卷制作本義若干卷比類條目
若干卷可使讀書者得聖人之本意沂流而求源由近而
致遠也又學春秋者必自三傳入而三家互有得失乃作

三傳折衷若干卷凡四書總名之曰春秋外傳共若干卷
合十餘萬言又以孔子承三聖之易為之作傳已極其至
近世諸家傳注論議不一乃著周易外傳十卷又為太極
演原古錄通鑑書法玉衡真觀刪注三子一王雅行人志
等書各數十卷又合十餘萬言觀公之用力聖門自期於
不朽其志可謂勤矣今文集若干卷行于世公娶淇澳張
氏賢明端淑貞靜有守公在宋十餘年夫人治家有法寬
惠慈愛篤於恩義宗族賴之以安後公十年而卒子男三
人二早卒一即采麟也今集賢直學士朝請大夫孫墅尚
幼女二人長適中書省知印王良傑次適從仕郎安陸縣

尹蕭玠弟彞字仲常讀書學道不求宦達以醇德篤行終
男二人長早卒次克紹弟庸字季常累官奉訓大夫潁州
知州而卒有女二人長適洛陽裴氏子讓次適潁州學正
申必敬奉直大夫江北淮東道肅政廉訪副使門生苟宗
道狀

封贈

翰林國史院呈

皇帝聖旨裏翰林國史院謹呈照得故翰林侍讀學士郝經始於丙辰年世祖皇帝召赴闕庭己未年欽授宣命江淮荆湖南北等路宣撫副使至中統元年欽授宣命授前職佩金虎符充國信大使使宋宋人輒留一十六年逮王師入境始得北歸無幾宿毒暴發身故至元二十四年元貞二年禮部御史臺俱為本官封贈事舉呈都省至今未蒙聞奏本院參詳本官抱幽鬱之憤者一十六年其風節耿耿始終不移向非彼取滅亡必無生還之道興言及此

良可哀也且江南未平之前朝廷惟以拘留使人爲宋朝之罪蓋視奉使爲甚重也及其幸免而來則不暇行賞而歿歿旣有年而封贈之典尚闕此尤可哀者也抗孤身之危而待一國之斃方之蘇武功則過之禮宜優加爵謚表異忠賢以彰聖朝崇義報功之美合行具呈中書省照詳施行

大德七年七月

日

御史臺呈

皇帝聖旨裏御史臺據監察御史呈伏惟剖符析爵崇德報功加謚定封褒忠勸善匪徒誇觀美而飾虛文將以表

勤勞而斂實用也如唐贈白起周封比干苟著志勲于異
代猶加寵命以旌之况捐軀竭節宣力當世乎竊念故翰
林侍讀學士郝經負匡濟之略荷特達之知方世祖皇帝
龍飛之初歎殘宋之未服生靈糜爛方域繹騷亟欲保境
寧民戢兵講武擇公卿將以遣之見大夫無可使者遂授
公以前職充國信使持璽書往諭旨屬僞主孱懦邪臣擅
朝絕不為通拘弗令反屢欲加害略無改容守節益堅抗
言彌厲我朝以其執使拒命阻兵安忍故一怒興師而長
江失險勢將銜璧危若綴旒國至臨亡公始得釋被拘十
有六年蹈禍患而弗撓觸威武而弗懾忠義肝腸始終如

一雖蘇屬國之持節漠北顏平原之笏淮南殆無以過也
也因奉命無辱莫顧一身致伐罪有辭遂混六合歸朝未
幾以疾不祿褒崇之典咸謂闕然欽惟聖主嗣登寶祚動
遵憲度禮遇忠賢或生封以酬其勲或死贈以獎其魂莫
間幽冥均霑寵渥唯公服勞今世不媿古人封贈未加寔
孤衆望若蒙錄其忠勲錫以贈謚庶幾陳力就列之臣益
思勉勵也乞照詳得此本臺合行具呈中書省照詳施行

大德七年十月

日

封贈誥詞

大德九年六月成宗皇帝制曰鄂渚之役彼因紆難以勾

和中統之初首議遣書而通好故翰林侍讀學士國信使
郝經毅然銜命志在息民徃諭聖祖一視之仁卒被偽相
姦謀所梗雖蒙假館遂見拘留鴈書未達於中原龍棹已
橫於江上閉儀真者十六載臣操益堅訖宋錄之三百年
兵端自此甫遂生還之願遽傳哀訃之音永懷忠亮之風
宜舉褒崇之典於戲請纓象闕旣酬終軍繫粵之心圖像
麟宮式表子卿歸漢之節可贈昭文館大學士資善大夫
謚曰文忠主者施行

大德九年六月 日

延祐四年四月今上皇帝加贈推誠保節功臣昭文館大

學士榮祿大夫司徒柱國追封冀國公謚文忠

[Faint bleed-through text from the reverse side of the page, including characters like 文忠, 榮祿, 大夫, 司徒, 柱國, 追封, 冀國, 公謚, 文忠]

敘

自古不朽有三立德立功立言並重惟侖儻非常豪傑之士足以一體用兼本末統三者而卓然樹立於其間然功德著於一時至於歷世久遠傳之無窮則又視乎其言以考其功知其德而因想見其爲人於是立言尤足賴焉嘗考郝文忠公文集載於四庫而獨以陵川名不忘其所自也觀其學問純篤志節堅忍挺然特立實爲有元一代偉人惜乎遭時遇主不獲大展厥用出使宋廷十餘年而歸歸不逾年而卒也然安知非天之畀以斯文之統任以斯道之傳窮阨困頓益肆力於學問文章深造自得成一家

言以上追古作者之林嗚呼其真足以傳世而不朽矣前
因舊板漫漶錢唐鹿田朱公守澤時重授梓人剗一新
是固公之靈不忍斯板之剝蝕而假手於積學好古之士
以振刷而流傳之也而朱公攜以南其裔孫鏐復載以北
梅南張君見之漳南因納值載歸鳳臺之黃石村是又烏
知非公之神不忍斯板之淹沒於異地默令自浙而豫自
豫而歸於陵之鄰封使之去陵逾近而豫爲陵人購贖之
地也迄於今二十餘年陵之人咸思有以歸之 林 自承乏
茲土嘗登棣華之堂謁文忠之廟未嘗不傾心嚮往慨然
想見其生平夫蒞茲土猶仰其人矧世處於陵者哉以公

之未嘗居陵而猶以名其集有倦倦故國之思矧陵之人
有不倦倦於公者哉秦君恒山王君松舟篤志士也考之
國史參之文集傳之故老輯爲年譜張君雪塘又從而增
訂焉旣已斟酌賅備哀然成冊而終以不獲文集一板爲
憾適高邑皇甫君基郃君丕協倡捐公項從張姓買出謀
貯郡學鳳邑趙君爾欣悉其事謂貯府不如歸陵陵人承
其意與皇甫君商卽慨然舉積相贈使數百年斯文之脉
復歸故土貯之公祠責之掌守林固嘉諸君子之篤志倦
倦於公有不負公倦倦於陵之意者事旣成因述顛末而
爲之記亦以誌嚮往之心也

峇道光八年戊子孟夏

賜進士出身前翰林院庶吉士知陵川縣事溧陽強上林

謹記

郝文忠公年譜敘

公爲陵川人其生其歿皆不於陵川而當流移轉徙幽囚
拘繫之時其著書立說必揭陵川於姓名之上者蓋以先
人邱壟所在未忍一日忘也歲庚午予館上黨郭氏置公
集於書簾中每落花滿徑時鳥變聲輒向旅窗展誦公之
生平厯厯在目公生當金源末造中原日尋干戈二親携
之流離於戎馬閒刻無甯晷至十六歲始得保之僧舍讀
書焉假令躬際承平安居樂業其造詣又不知何如此不
得不爲公惜者然公之學由是成而公之節卽由此著迨
後館於賈張者幾十稔兩家蓄書甚富公日擁萬卷愈肆

厥力其於天人之際性命之微盛衰之理興亡之迹無不
探根躡窟至是學益粹而節益堅公時年甫三十有一迄
今誦其詩讀其書想見其爲人又不覺高山仰止心嚮往
之矣又二年始應金蓮川之聘再徵而起意謂明良遇合
千載一時坐而言不難起而行公之讀書爲有用矣乃沙
陀一見公雖剴切敷陳當宁傾聽而遽爾寂寂復經三年
竊嘆人生遭逢何如此之難也洎乎荆鄂多事奪情起復
方有宣撫之命豈公志哉蓋自是公初入仕於元賈卽秉
政於宋矣賈還朝進爵而公入宋拘留矣遲之十六年之
久賈以有罪免公始奉使還朝矣公疾作尋卒而賈貶置

被誅矣天生似道若故與公始終爲難者嗟乎讀史至此
未嘗不裂眦扼腕且爲之泣下霑襟也噫公之節固不能
屈而公之學更不可泯其文章節義卓卓可傳於後世者
全集具在予忝公桑梓謏陋無聞原不足以表揚先哲姑
就集中所載出處著述其歲月有可按稽者具隸於分年
之下爲譜以系之且題四截句於帙端以誌私淑之意云
伯常先生年譜題辭

故家珠玉妙玲瓏才器非常類若翁剩有遺山老門下一

時賞識到宗工

河東元好問金源一代宗工爲公大父晉卿先生門人一見公奇之曰子貌類祖才

器非常勉之其贈答詩有故家珠玉自成淵之句

關山明月杜鵑魂阿慶香閨舊句存

阿慶為汝南張忠武王第八女公幼時所

聘日誦數百言善屬對十歲而天見遺山續夷堅志首句即其詩也

十六年來淮海繫羈愁

頷略付吟罇

風流異代悵淪亡茂宰南來祝瓣香癡絕全椒王叔子殷

勤親手種甘棠

江南王九亭先生篤祐全椒人自號太原叔子先君庚辰同年也乾隆戊子宰陵川

重新公祠遷其族人於河南名之以棠使奉公香火

小牕風雨讀遺編寥落文章五百年

自元世祖至元乙亥至今嘉慶庚午計五

百三十譜出行藏標大節粉榆爭不重鄉賢

嘉慶庚午穀雨前六日同里後學王汝楫松舟甫識

凡例

一公文集行世未有年譜嘉慶己巳秦恒山攷陵川集始序爲譜恒山歿後鈔本失落僅獲其草冊庚午王松舟亦著公年譜二集合校閱有異同遂取金元宋三史參互考証補輯斯譜卷首仍列其名不敢掠美

一秦王二譜每歲總序閒入時事似賓主不分因仿王漁洋年譜分紀年時事出處著述列爲四格庶縱橫考核眉目清楚

一公始終元室其生時陵猶屬金宋爲正統又出使羈留之地故紀年先元次金又次宋非徒於時事易於

考證亦見公之一身實關三朝興廢也

一南北興亡之際時事叢雜其無關公事者概置不錄然興廢大故於公之出處可以印証者采入譜中非侈談史亦知人論世宜然耳

一公之使宋與公爲難者賈似道也似道之生不止亡宋亦所以玉成我公也向非似道公歸輔有元不過如耶律姚廉諸公相業炳蔚耳詎遑作述哉今獲讀公文集則似道之巧設牢籠公之仇正後人之福也故於似道始末備載之

一天地正氣隨在而見天生郝公所以開元之始天生

文山所以結宋之終二公易地則皆然耳故於文山
出處亦詳載於譜非喧賓而奪主存正氣也

一公之世系雖有碑記漫漶難識就可認者按公文集
補列篇首聞公霸州後裔子姓貴盛惜未能訪求以
成全璧容俟異日

一公之出處光明正大非廣爲蒐羅殊難殫述身處僻
壤所見甚寡僅守正史數部掛漏必多尙望鴻博匡
我不逮

道光八年歲次戊子春日 雪塘張 翥謹識

一公之出蓋法明五大非真為法羅去轉取後之
忽全望谷翁異日

蘇氏論首聞公博而翁齊于我貴盈蓄未始忘水
一公之出蓋法明五大非真為法羅去轉取後之
出法亦法明五大非真為法羅去轉取後之

文心復以真為法明五大非真為法羅去轉取後之

郝文忠公年譜

世系

始祖儀

自太原遷
潞之龍庄

八世祖祚

自潞
遷陵

七世祖善六世祖從義高祖璋

昂

源 字清
卿

輿字正之壬辰
輩俱沒於兵

燹

字仲常
不仕

克操

曾祖昇

字子進

祖天挺

字音卿

父思温

字和之謚
靜直處士

經

字伯常謚
文忠

采麟

墅

震

字子陽號天
東軒老人天

禎字賢
禎

思直

字繼先壬辰
俱沒於兵

庸

字季常奉訓大
夫潁州知州

保定

世系記

郝氏系出有殷帝乙支子封於太原郝鄉因以為姓十世祖諱儀值五季之亂自太原遷潞之龍庄九世祖諱祚復自潞徙澤之陵川遂為陵川人八世祖諱善七世祖諱從

義六世祖諱璋字 公高祖諱昇字子進曾祖諱天挺字
晉卿祖諱思温字和之金貞祐之亂避兵河南金亡寓居
保卒而權厝郭外門人誄曰靜直處士父諱經字伯常夙
負海內重名終翰林侍讀學士嘗奉命使宋拘執一十六
年金節而歸二叔父諱彝字仲常匱玉不仕三叔父諱庸
字季常奉訓大夫知潁州昇季三人沒而權安厝保定不
尙孤采麟暨克紹伏因陵川故居淪沒惟松楸宛然且塋
原湫隘遂置田孟州西北虎山之原遷祖父母以下合塋
焉一則取其水土深厚二則距鄉先不遠歲時往來便於
拜掃特伸霜露之感

大德己亥月初吉集賢直學士朝請大夫采麟謹識

右世系及記在陵川縣東北三里楊大坂郝氏祖塋
晉卿先生之墓碑面刻元遺山誌銘文載邑志碑陰
上截列世系圖下刻記文字皆漫滅難識謹就可識
者按公諸誌銘補次成帙以資考鏡

道光戊子正月

雪塘輯錄

五十五

雲

昔者公昔志而大如利以資善

上道以神祭圖不勝請文字昔與如道滿萬餘百

晉陳武少之墓前而修天懸山其流支輝邑志

尚世承英武五刻佩羅東非三里野大夫陳烈

大德曰之民陳尚業賀直學士博南大夫余熱

郝文忠公年譜

紀年

癸未一歲

蒙古太祖十八年

金宣宗元光二年

宋甯宗嘉定十六年

時事

時河北河東俱屬蒙冬十一月公生於許

古惟潞澤尙屬金州臨隸之城皐鎮

夏四月壬午蒙古兵

攻陵川縣七月丙

辰上黨公完顏開復

澤州十二月金宣

宗卒太子守緒立是

為哀宗

甲申二歲

蒙古太祖十九年

金哀宗正大元年

八月宋甯宗崩太子公隨父母在城皐

昀立是為理宗

出處

同里後學秦萬壽

張蔚

雪塘補編

王汝楫

松舟甫輯

著述

宋甯宗嘉定十七年

乙酉三歲

蒙古太祖二十年

金哀宗正大二年

宋理宗寶慶元年

丙戌四歲

蒙古太祖二十一年

金哀宗正大三年

宋理宗寶慶二年

丁亥五歲

蒙古太祖二十二年

金哀宗正大四年

宋理宗寶慶三年

是年五星聚於西南

蒙古兵自鳳翔侵京

兆關中大震時金人

盡棄河北山東關陝

唯併力守河南保潼

關七月蒙古太祖却

特特穆津卒于六盤

山少子圖壘監國

戊子六歲

蒙古圖壘監國

金哀宗正大五年

宋理宗紹定元年

己丑七歲

蒙古太宗却特烏格

台元年

金哀宗正大六年

宋理宗紹定二年

秋八月蒙古耶律楚材以太祖遺詔奉太

宗即位于和林東庫

鐵烏阿刺里之地時

庶事草創楚材始定

冊立禮儀定算賦

是月金移刺蒲阿再

復潞澤遣使聘于蒙

古不受遂議伐金冬

十月圍金慶陽

庚寅八歲

蒙古太宗二年

金哀宗正大七年

宋理宗紹定三年

辛卯九歲

蒙古太宗三年

金哀宗正大八年

宋理宗紹定四年

按是年蒙古克金鳳公父避地河南之魯
翔攻洛陽河中諸城山河南亂居民匿窖
下之十一月圖壘入中亂兵以火熏灼之
饒風關由金州而東民多死公母許亦死
將趨汴京民皆入保公匍匐索得黃蘗一
城壁險阻以避之蒙瓶蜜一器用母所佩
古遣使假道于宋會剪刀決其齒以蜜和
兵伐金至沔州統制蓋汁飲之即蘇靜直
張宣殺之圖壘曰宋先生異之雖奔走瀕
自食言今曲直有歸死者數不忍棄公也
矣

壬辰十歲

蒙古太宗四年

金哀宗天興元年

蒙古太宗由白坡渡是年河南亡公父母
河及金師戰于鈞州携公北渡居于保後
之三峯大敗之獲金徒順天繼舉公彝庸

宋理宗紹定五年

將蒲阿克鈞州遂下二弟是年郝氏之

尚號嵩汝陝洛許鄭流寓河南者公叔祖

陳毫穎壽睢永等州天祐及堂叔輿輦思

金遣曹王訛可質于直俱沒于兵

蒙古請和太宗退軍

河洛遣唐慶使金諭

降金殺之十二月復

遣使于宋議夾攻金

宋許之金主守緒出

奔河北蒙古蘇布特

復圍汴

春正月金主濟河與公在保時亂後生理

蒙古戰大敗走歸德狼狽靜直先生聚俊

金元帥崔立作亂以秀而教之欲令次子

汴城降于蒙古蘇布讀書俾公專治家事

特進至青城崔立以紆目前之急許夫

癸巳十一歲

蒙古太宗五年

金哀宗天興二年

宋理宗紹定六年

金太后后妃諸王送人曰吾觀是兒志貌
蒙古蘇布特殺諸王不凡他日必大吾門
以后妃北還金主守忍令廢學以墜家聲
緒奔蔡蒙古率師圍不過我輩忍窮數年
之宋使孟珙等來助耳靜直先生以為然
命公就學欲其先經
合兵攻蔡州

也故名之曰經

甲午十二歲

蒙古太宗六年

金末帝承麟元年

宋理宗端平元年

春正月金主傳位于公在保振勵讀書晨
宗室承麟宋孟珙與給薪水晝理家務少
蒙古兵入蔡州金主隙則執書不輟靜直
自經于幽蘭軒承麟先生感泣賦詩有云
為亂兵所殺宋人取日月儻隨天地在詩
金主餘骨以歸金亡書終療子孫貧
三月宋以賈貴妃弟
似道為藉田令宋謀
復三京會兵趨汴金

故將李伯淵誅崔立

以降蒙古復引兵至

洛陽趙葵等棄汴而

歸蒙古使王檝于宋

責以欺盟

乙未十三歲

春正月宋以程芾為

蒙古太宗七年

蒙古通好使三月蒙

宋理宗端平二年

古主使其子庫騰等

分道侵宋

丙申十四歲

蒙古張柔等拔郢州

蒙古太宗八年

襄陽叛宋降于蒙古

宋理宗端平三年

宋文天祥生

丁酉十五歲

是冬蒙古口温不花

蒙古太宗九年

圍光州命張柔等攻

宋理宗嘉熙元年

蘄隨等州畧地至黃

州宋請和乃還

戊戌十六歲

蒙古大蒙十年

宋理宗嘉熙二年

是歲靜直先生館于
保之滿城適蒙古試
諸路儒士公遂爲決
科文時傲廬託處乃
假屋于鐵佛寺僧張
仲安得其南堂聚童
子而教之以佐生業
夏四月一日始入而
從事日誦二千言爲
課夜則考其傳註始
入夜往庀家事春粟
治菽二鼓入于書堂
龕燈隱几不解衣帶
閱誦輟錄昏忘則仰
就背枕以假寢五鼓
往家負薪汲水黎明

己亥十七歲

蒙古太宗十一年

宋理宗嘉熙三年

庚子十八歲

蒙古太宗十二年

宋理宗嘉熙四年

入于書堂以是為常
雖盛寒大暑不替也

公讀書于鐵佛寺一

日雞初鳴公猶凭几

伏誦殘燈無焰許夫

人來竊視呼公語之

曰能若是吾有望矣

公益激勵肆意經傳

坐徹明者五年每遇

疑難則沉思良久期

於必得必悟而後已

公讀書于鐵佛寺

蒙古張柔等分道侵
宋復使王楫于宋

前後凡五至以和議

未決隱憂而卒宋歸

其柩于蒙古

辛丑十九歲

十一月蒙古主烏格公讀書于鐵佛寺

蒙古太宗十三年

台卒第六后尼瑪察是年秋元遺山先生

宋理宗淳祐元年

氏稱制十二月蒙古為公大父晉卿先生

使月里麻思等于宋作墓銘

議和至淮上守將囚

之

壬寅二十歲

秋七月蒙古張柔自公讀書于鐵佛寺始

蒙古尼瑪察氏稱制五河口渡淮攻宋揚娶滿城徐氏

宋理宗淳祐二年

滁和州

癸卯二十一歲

春正月蒙古張柔分公讀書于鐵佛寺冬八月有送常山劉道

蒙古尼瑪察氏稱制兵屯田于襄城

順天左副元帥賈輔濟序

宋理宗淳祐三年

辟公教授諸子始去

寺堂館于萬卷樓之

中和堂如是者七年

甲辰二十二歲

公館于賈府正月子作唐宋近體詩選序

蒙古尼瑪察氏稱制

阿寶生即采雲

萬卷樓記再送劉道

宋理宗淳祐四年

乙巳二十三歲

蒙古尼瑪察氏稱制宋淮西等州至揚州

宋制置趙葵請和乃還

齊序

二月有答高雄飛書

八月作醉經記十一

月作鄰野堂記唐帝

廟碑

丙午二十四歲

蒙古定宗庫裕克元年

秋七月蒙古太宗長春三月九日公母許是歲冬十一月越十

宋理宗淳祐六年

子即位於汪吉宿滅夫人卒年四十九寓有五曰辛未五星會

禿里之地九月宋漢墓于保之南原五月于亢作緯九行

東公孟珙卒以賈似三日子阿寶殤附殯

道為京湖制置使十焉

二月蒙古侵宋京湖

江淮之境

丁未二十五歲

蒙古定宗二年

宋理宗淳祐七年

為趙氏作種德園記

為喬德玉作臨漪亭

記含元殿瓦硯記手

植檜復萌文送太原

戊申二十六歲

蒙古定宗三年

宋理宗淳祐八年

己酉二十七歲

蒙古定宗后稱制

宋理宗淳祐九年

庚戌二十八歲

蒙古定宗后稱制

宋理宗淳祐十年

三月蒙古定宗卒后

烏拉海額實稱制諸

王大臣不服國內旱

災內外離心法度不

一太宗之政衰矣

宋以賈似道為兩淮春公去賈館擬南適春作渾源劉先生哀

制置大使冬宋余玠自是聲名籍甚遺山辭八月作皇極道院

出兵興元遇蒙古兵元先生學於公大父記十月會杜叔通於

而還仕金為翰林知制誥保下為作天地括囊

金亡不仕往來燕趙圖說序十二月上紫

間一見公奇之曰子陽先生論學書送柴

狀類先生才識間出梓材序

史子桓序

與漢上趙先生論性

書送鄉先生宋君還

燕序為楊春卿作庸

齋記喬千戶行狀題

芙蓉盆

五月有怒雨賦漢義

勇武安王廟碑許鄭

總管趙侯述先碑銘

家世淵源有所積而
然也遂相與論作詩
作文法復勉公以百
世遠大之業公從先
生學者蓋有年

辛亥二十九歲

蒙古憲宗蒙兀

年

宋理宗淳祐十一年

蒙古定宗卒久未立

君中外洵洵夏六月

諸王大將共推圖壘

長子莽賚扣即位于

闊帖兀阿蘭之地政

始歸一七月命皇太

弟呼必賚總治漠南

開府金蓮川冬呼必

賚置經畧司于沐分

兵屯田

正月有祭徵君魏先

生文送道士申正之

序五月作儒行序四

賢祠碑

壬子三十歲

蒙古萬戶蔡國張柔

蒙古憲宗二年
宋理宗淳祐十三年

癸丑三十一歲

蒙古憲宗三年

宋理宗寶祐元年

甲寅三十二歲

蒙古憲宗四年

宋理宗寶祐二年

乙卯三十三歲

聞公名禮請館于帥
府授諸子學張復有
書萬卷付公管鑰恣
其搜覽乃大足平生
之願卒成偉世之器
後張賈子孫多為將
相名臣以顯于世

夏公入于燕由萬甯為賈仲明作休復亭
故宮登瓊花島慨然記為王良臣作恒齋
有懷乃作賦焉

春公客于杞
作須城縣令孟君墓
銘五月作瑞麥頌作
萬竹堂記十月左副
元帥賈輔卒公為文
祭之並銘神道碑

蒙古呼必賚以姚樞
為京兆勸農使以廉
希憲為宣撫使張柔
移鎮亳州城而戍之

春蒙古呼必賚徵河

春三月五日子阿長
為淄川先生作素菴

蒙古憲宗五年
宋理宗寶祐三年

丙許衡為京兆提學

生卽采鳳公初娶徐記春在燕作時中齋
氏不婦歸于家再娶記曰觀銘曲阜懷古
淇澳張氏自是生子諸咏遊靈岩寺詩有
秋東行由趙魏以適去魯記登泰山作賦
魯八月入于東原九
月濟汶自鹿門入于
曲阜藩帥交辟皆不
就世祖時在潛邸徵
召賢士諸公累薦九
月遣使召公不起十
一月召使復至公乃
嘆曰讀書為學本以
致用也今王好賢思
治如此吾學其有用
矣始應召而北

丙辰三十四歲

五月宋賜禮部進士
春正月公見皇太弟春公自沙陀為大父

蒙古憲宗六年
宋理宗寶祐四年

文天祥及第六月蒙于沙陀間以帝王當晉卿作墓銘爲郭仲古請伐宋憲宗亦以行之事公援引唐虞偉作橫翠樓記五月宋人遣命囚使會議三代治道以對自朝有爲靜直先生請命伐之呼必賚城開平至晡喜溢不倦連日書八月作積慶堂記引對論事甚器重之程先生墓銘毛君墓且命條奏所欲言者誌銘二履辨

公乃上立國規模二十餘條復問當今急務遂舉天下蠹民害政之尤者十一條上之切中時弊皆以爲善雖未卽用至中統後更張制度用公之言益多公遂還燕議歸鄉拜謁松楸未果公父靜直先生夏得

丁巳三十五歲

蒙古憲宗七年

宋理宗寶祐五年

風痺疾公為書請命

蒙古罷呼必賚開府公自壬辰春渡河居正月作心菴先生陰

侵宋襄陽入其郭八于保凡十一年僦廬符經集解序四月作

月蒙古主分道侵宋而徙者十甲辰徙南北風亭記送張漢臣

自將由蜀以入先命里凡十四年於居為序祭遺山先生文墓

張柔從呼必賚攻鄂最久夏四月始作北銘房山先生墓銘詠

趨杭州 風亭子阿壽生即采義士詩

麟也七月四日元遺

山先生卒于獲鹿寓

會訃至公走常山三

百里哭之為文以奠

墓于定襄並銘其墓

公居家侍父疾靜直作一貫圖漢義士田

先生在牀簣已三年疇碑殷烈祖廟碑順

十一月二十六日增天孔子新廟碑

劇二十八日強為之

戊午三十六歲

蒙古憲宗八年

宋理宗寶祐六年

密使宣撫兩淮

冬宋以賈似道為樞

己未三十七歲
蒙古憲宗九年
宋理宗開慶元年

起咄咄曰發志氣遂
瞑不復語卒年六十
八得遺藁一百二十
篇門人苟宗道趙泰
尙文等私謚曰靜直
處士權厝于保城之
北原公自爲行狀

七月蒙古莽賚扣卒春三月子阿長殤附作東師議班師議新
于合州城下餘衆解殯靜直處士墓側夏野光武皇帝廟碑周
圍北還八月蒙古呼公外伯父陵川牛君子祠堂碑渡江書所
必賚將兵渡淮九月視公于曹南九月皇見題東坡先生畫像
渡江遂圍鄂州宋拜太弟總兵趨荆鄂遣巴陵女子行武昌詞
賈似道右丞相軍漢使召公從行駐軍於棣華堂記
陽以援鄂遂密遣宋濮會有以宋臣植齋
京乞和于蒙古呼必奏議呈獻者言宋邊
賚解鄂圍引還防衝要忌吾者七處

王召諸臣共議公乃具奏王見公儒生論兵事剴切愕然曰是汝與張拔都共議耶公曰經少館于其家嘗聞其議論此特經之臆說柔不知也退而著書義名曰七道凡七千餘言乃以楊惟中爲江淮荆湖南北等路宣撫使以公爲副將歸德軍先至江上宣布恩信招納降附所活不可勝紀惟中欲私還汴公曰我與公同受命南征

不聞受命還汴也惟
中怒弗聽公反覆辨
爭楊不與公會面者
三日公乃率麾下揚
旌而南楊懼謝曰公
之執守讀書之力也
敢不從命遂與公俱
行會王師于江上公
聞憲宗在蜀師久無
功遂進東師議王稱
善者久之然與帝已
定約不獲中止遂渡
江圍鄂宋人懼請和
會憲宗凶訃至王召
諸將屬議公復進班
師議王以爲然遂班

庚申三十八歲

蒙古世祖呼必賚

統元年

宋理宗景定元年

師

春三月世祖至開平春公宣撫江淮至自作居庸關銘讀書堂
 諸臣勸進辛卯即位武昌哭靜直先生之記祭淮瀆文禡牙文
 復召竇默許衡至開墓而入蓋公之服尚立政議備禦奏目便
 平初定官制以王文未闕也見墓側有小宜新政留城留侯廟
 統為中書平章政事邱始知阿長之殤因碑冠軍樓賦易州總
 撤江上軍以史天澤勳而為誌三月達順管何侯神道碑宣撫
 為江淮經畧使頒即天鐵佛寺僧張仲安大使楊公神道碑
 位詔於天下四月丁來謁公至讀書之所
 未以翰林侍讀學士顧二親不見因涕泗
 郝經為國信使翰林橫集揮淚為記四月
 待制河源禮部郎中世祖遣使召公平章
 劉人傑副之使於宋王文統素忌公有重
 初蒙古兀良合台解名世祖欲修好於宋
 潭州圍至鄂宋賈似文統請遣公王本李
 道使夏貴等殺其殿瓊幕屬乍被親幸復

卒百七十八人匿和議陰囑李瓊潛師侵宋
稱臣納幣之事以所欲假手害公時或為
殺殿兵奏諸路大捷公言宋人誦詐叵信
召似道還朝封少師蓋以疾辭公曰吾讀
衛國公並官其將士書學道三十年無大
似道使廖瑩中撰福益於世今南北構難
華編稱頌鄂功通國困弊已極倘弭兵靖
不知所謂和也至是亂活百萬生靈吾學
似道恐信使至國泄為有用矣遂赴召見
其謀遂設計拘留于於開平以公為翰林
眞州之忠勇軍營後侍讀學士賜佩金虎
宋帝聞有北使謂宰符充國信大使齎國
執曰北朝使來事體書入宋告登寶位布
當議似道奏曰和出通好弭兵息民意及
彼謀豈容一切輕徇陛辭公請與一二蒙
倘以交鄰之道來當古偕行帝不許將出

令入見淮東制置李帝賜葡萄酒三爵且
庭芝亦奏蒙古使者命公上所當言者公
久留眞州不報具十六條新政以上

俱切至後皆節次行之夏五月公至濟南
李壇以書止公行公曰吾受命朝廷持節
而出若以邊將之言遽回罪也遲疑顧望
而不進亦罪也乃以壇言聞于朝而行六
月至宿州移文于宋以請接納七月進至
五河口宋遣朱寶臣秦之才來接伴八月
宋復遣潘拱伯來館

件請登舟而南公將
入宋境遣使上封事
行次昭信潘拱伯傳
制使李庭芝欲見國
書正色曰皇帝授
使人國書令見貴朝
國君而與之今件使
要我于半途其故何
哉拱伯不敢復言九
月至眞州時賈似道
方以鄂功自頌恐姦
謀呈露館公于忠勇
軍營規模布置已成
囚所驛吏棘垣鑰戶
晝夜防守十月李庭
芝致書于公云信使

以美意而來松壽乃
懷姦以逞以此而和
殆類欵我仍械李瓊
敗將以爲口實公答
書以邊將違詔啟釁
何與使人事仍上表
宋主有云願附魯連
之義排難解紛誰知
唐儉之徒欵兵謾國
又移文制司請入見
不報請歸國亦不報
復牒宋三省致書賈
似道上書宋主凡數
十萬言皆不報伴使
止云朝廷已有定議
顧窮極變詐欲以撼

公介佐或不能堪公語之曰一入宋境死生進退聽其在彼屈身辱命我終不能汝等不幸宜忍死以待揆之天時人事宋祚殆不遠矣眾感其言皆自振勵

辛酉三十九歲
蒙古世祖中統二年
宋理宗景定二年

五月蒙古遣崔明遠公在儀真宋伴使朱再與宋宰相書上宋李全義為詳問官詣寶臣等偽報蒙古異主請區處書瓊花賦宋淮東制司訪問國聞公弗聽復累言之信使郝經等所在仍欲貳公心以降公厲以稽留信使侵擾疆聲曰此事斷無若有場詰之公弟庸請介之當遣我輩還國乃行人以問罪遣之宋與介佐束裝露次于人不納七月蒙古下庭者月餘以請歸宋

諭將士舉兵攻宋有人知公不可屈乃請
曰朕卽位之後深以復入後果虛妄

戢兵爲念故年前遣使于宋以通和好宋人不務遠圖伺我小隙反啟邊釁朕以兩國生靈之故猶待信使還歸以成和議留而不至者今又半載矣彼嘗以衣冠禮樂之國自居理當如是乎

壬戌四十歲
蒙古世祖中統二年
宋理宗景定三年

冬十月以郝經劉人傑使宋未還廩其家

公在真州所居之館九月始作一王雅爲
故總制廳事也院中陽遜士苟君墓銘
舊有大樹數株守人

盡斫去增高丈餘上

樹以蘆柵下荐以棘
外掘壕壘置舖兵防
閑挫抑者無不至

癸亥四十一歲

二月蒙古以王德素公在真州御下頗嚴元旦作邀窮文二月

蒙古世祖中統四年

充國信使劉公諒副介佐人員見宋以長一王雅成得二百三

宋理宗景定四年

之使于宋致書宋主久羈縻時有怨言公十一人共二百五十
詰其稽留郝經之故謂之曰吾一介書生篇小者十餘韻大者

蒙主上兩徵而起一六七十韻抑揚刺美
命為宣撫使再命為反覆諷咏大一統明

國信大使捨忠與義王道以補前人之所
其何以報吾祖宗以未及越十有五目序

來七世讀書甯肯不之
忠不義以辱中州士

大夫乎眾皆悅服

公在真州與門人苟作鏡薌亭記退飛堂

宗道整頓綴緝其所記蘆台記窗池記江

甲子四十二歲

八月蒙古劉秉忠請

定都于燕從之仍號

蒙古世祖至元元年

定都于燕從之仍號

宋理宗景定五年

中都以中統五年改著為甲子集七月一石子記春秋制作本為至元元年公集中

仍用中統年號蓋南日始歿作記記之十色四首

北隔絕公不知也十一月宋人來報其國

月宋理宗崩太子禩喪無縱釋之命作幽

卽位是為度宗

愬賦

乙丑四十三歲

蒙古世祖至元二年

四月宋加賈似道太師封魏國公

宋度宗咸淳元年

丙寅四十四歲

蒙古世祖至元三年

春三節人有因鬪毆

相殺死者賊登門索古錄序六月作密齋

二月作春秋外傳畢章句音義八卷制作本原十卷比類條目十二卷三傳折衷凡五十卷又著三傳序論列國序論一卷自序冠于首名所居之室曰是是堂記以文

三月作祭成玉文原

宋度宗咸淳二年

公于室公乘黑出蔽記新館秋懷詩烈士
樹而匿賊乃抽戈公吟新館八月三日雨
遂踰牆賴伴使來救新館重九詩

得免國信使行府提
控都管成玉死焉公
為文以祭乃謂幕僚
曰若輩拘囚歲久殆
無生意是不可與久
處此困厄也恐別生
事端玷吾大節遂與
苟宗道等六人築館
別居于外位于東序
是為新館片天之下
四壁之內秋霖夏暑
不勝其苦公處置一
定萬折不衄著書吟



詠自若也宋人知公
志節終不屈亦不忍
加害反畏而敬之日
給廩餼有加

丁卯四十五歲

蒙古世祖至元四年

宋度宗咸淳三年

春蒙古許衡謝病還

懷孟

戊辰四十六歲

蒙古世祖至元五年

宋度宗咸淳四年

元日有詩孟春新館

望南極詩春日夜飲

見月詩夏六月大雨

震電詩新館寒食無

花詩四首九月五日

念母詩十二月修易

外傳畢記夢有詩牡

丹菊賦

正月成周易外傳八

十卷太極演二十卷

皆為序十月晦一貫
圖成有圖說寒食詩

已巳四十七歲

蒙古世祖至元六年

宋度宗咸淳五年

庚午四十八歲

蒙古世祖至元七年

宋度宗咸淳六年

七夕詩新館守歲贈
正甫書狀
作三月二十六日詩
二首

正月宋李庭芝督兵是年公弟庸又請介作夏至夜雨詩

援襄陽賈似道命范行人問罪于宋下大

文虎從中制之四月臣會議以為不可公

宋賈似道以去要君在新館

帝命直學士院文天

祥草制留之不滿似

道意使劾罷之時襄

樊園急似道日坐葛

嶺作半閒堂與博徒

縱博復建多寶閣登

玩有言邊事者輒如

貶斥十月詔范文虎

援襄樊

辛未四十九歲

元世祖至元八年

宋度宗咸淳七年

十一月蒙古改號曰元取易經乾元之義

是年公弟庸復請于作和陶詩百餘首

朝不得已復遣之至建康而還幾死者凡

十數五月公令伴使

西珪借書于兩淮制

使印應雷得二漢三

國晉書遂作正史以

裴註之異同通鑑之

去取綱目之義例參

校刊定歸于詳實以

昭烈纂承漢統魏吳

為僭號曰續後漢書

壬甲五十歲

元世祖至元九年

十月續後漢書成年

表一卷帝記二卷列

宋度宗咸淳八年

癸酉五十一歲
元世祖至元十年
宋度宗咸淳九年

傳七十九卷錄八卷
共九十卷別為一百
三十卷序之四月二
日詩四首

公在新館推本六經
三傳諸子史自漢魏
晉隋唐諸天官書志
及所齋宋金源氏與
蒙古燕都臺司秘書
為歷象錄具述歷代
星歷傳之以理既成
書狀官苟宗道為之
音註宗道請別為一
書乃更論次復加損
益益之以圖象細行
歷變異事應等類凡

甲戌五十二歲

元世祖至元十一年

宋度宗咸淳十年

十二卷名玉衡真觀

六月庚申元降詔問公在儀徵已十五年

罪于宋有曰自太祖音問久不通先是有

以來與宋使介交通以雁獻者命畜之見

憲宗之世朕奉命南公輒鼓翼引吭似有

伐彼賈似道請罷兵訴公感悟以九月甲

息民朕卽位之初追戊率從者具香案北

憶是言命郝經等奉向拜昇雁至前用蠟

書往聘蓋爲生靈計九帛書親繫于雁足

也而乃執之以致師祝而縱之詩曰霜落

出連年死傷相藉皆風高恣所如歸期回

宋自禍其民罔有悛首是春初上林天子

心問罪之師有不能援弓繳窮海壘臣有

已者命大丞相巴延帛書中統十五年九

將兵伐宋又命兵部月一日放雁獲者勿
尙書廉希賢泊公之殺國信大使郝經書

弟庸行樞密院都事于真州忠勇軍營新
齋詔赴杭州問以執館五十九字博二寸
行人之故七月宋度高五寸背有陵川郝
宗崩皇子焘卽位時氏印方一寸文透于
年四歲是爲恭宗十背可辨識明年三月
月元巴延攻宋郢州間虞人始獲雁于汴
張世傑力戰禦之遂梁金明池會公北歸
潛兵入漢屠沙洋陷故獲者不以聞後帛
新郢十二月遂渡江書爲王時中所得延
宋夏貴棄師走巴延祐五年學士郭貫見
會阿朱趨鄂州鄂州之奏于朝勅中使取
降遂引兵東下宋詔之詔裝潢成卷文臣
賈似道督師開府臨各題識之藏諸東觀
安李庭芝遣兵入援

乙亥五十三歲

元世祖至元十二年

春正元劉整卒于軍

春二月公自宋歸在途嬰疾三月世祖知

宋恭宗熈德祐元年

宋賈似道出師次于公至且病遣近侍太
蕪湖夏貴引兵會之醫迂公者相次于道
賈似道復使宋京請所過郡邑不遠數百
和于元巴延不許宋里來觀者如市父老
孫虎臣夏貴之師潰見公全節不屈龍鍾
于江上似道奔揚州皓首而歸往往有泣
元盡陷江淮州軍宋下者四月至燕入見
張世傑將兵入衛江世祖嗟慰勞來懇至
西提刑文天祥起兵賜燕畢復召入賜坐
勤王始詔總管段佑論事適大臣呈奏諭
以禮送元行人郝經宋詔草不稱旨俾公
歸賈似道有罪免尋改作公援筆立就世
貶循州安置監押官祖稱善行之至晡乃
鄭虎臣誅之明年宋出翌日車駕發上都
七

令醫就公診視無何
宿疾復作七月十六

日公子采麟問以後
事仍以紙筆呈公公
執筆目半瞑但書天
風海濤四字餘無所
言少頃卒于所居之
正寢天下聞而哀之
越二十有八日采麟
奉柩都省差官護送
權厝于保定府西郭
外靜直先生之墓側
後朝廷憫公忠節凡
從公歸者各命官有
差特命公子采麟以
奉訓大夫知林州成
宗大德三年春遷窆
于孟州河陽縣虎頭

山之原大德九年六月詔贈公昭文館大學士資善大夫延祐四年加贈推誠保節功臣昭文館大學士榮祿大夫司徒柱國追封冀國公謚文忠

同里後學

王汝礪硯農

楊豫成立之

校字

郝文忠公年譜跋

嗚呼先生之生也金以亡先生之歿也宋以亡先生之身固關三朝廢興哉始則忍窮以殖學終則忍窮以植節所謂動心忍性者先生其備矣天之降大任者如是已乎道則達矣天其以先生開有元九十年之統歟世之隕穫充謂者徒紛紛也烏知所謂道哉有志之士何從焉輯先生年譜畢復贅數語以自警

嘉慶己巳八月下浣

恒山秦萬壽

真武百口八民不歸

回山祭萬壽

平陽里府齊建始自營

歸齊武德保出息戰視難能道許志之士母必慈憐於

限發矣天其以決主開育云此十平之慈慈可之則慈

南應小怒聖齊武主其備矣天之制大升清昭景日平

回關三博氣興齊故國慈聖以重學孫開慈聖以重前

聖利求主之舉也金以丁於主之死也宋以丁於主之身

文忠公平節烈

將梓文忠年譜客有過而問曰譜以備國史之採擇也今反摭摭諸傳誌疑贅又以詳敘其生平也今輯於五六百年之後除落落大節外僅就詩文之載於本集者補綴之疑疎疎與贅匪適文累也勿亦因文以累人實甚余曰唯唯否否夫公氣節如蘇武洪皓才畧如馬周王朴貧而力學如茅容黃憲而文章經術又幾合鄒枚鄭賈爲一人不待譜而傳也事蹟之湮沒詩文之散失如煙雲過眼而不可復聚又譜而仍不傳也顧公爲陵人實終身未一至陵乃必揭陵川以名集公之意可知也集雖名陵川一再刻者皆與陵風馬牛不相及陵之人乃必亟亟謀所以歸之

陵人之意又可知也在公爲不忘故土之思在陵人爲景
仰先賢之志諸君子不惜搜羅考核以共成此譜夫亦猶
斯意也且亦思公可無譜公之集實不可無譜乎其指陳
時事動關三朝參之於譜固將融會貫通而洞其治亂興
衰之迹至於文見於此意注於彼又或義兼比興如風詩
之禹規諷於揚水椒聊離騷之寄忠愛於美人香草不有
斯譜奚以知水中之鹽味聆絃外之遺音者然則譜公也
卽譜公之集也以譜爲集之提要可也以譜爲集之注脚
亦可也矧後人之譜少陵譜東坡孰非就詩文而摭摭補
綴之者何獨於陵人於公疑之也客默而去適剗劔甫竣

因備錄其言於簡末俾後之閱者無更疑其贅與疎焉
道光丙申清明後二日後學楊豫成跋於都門客寓

亦讀其西帝帝即翁之白翁學書新其類外濟門咨寓
西帝其言然辭來外翁三閱昔無其類其資與類其

郝文忠公陵川文集

校閱姓氏

田嘉穀 陽城

衛楷 鳳臺

畢灤 高平

王鏜 鳳臺

孔興鈞 鳳臺

趙文正 鳳臺

樊初荀 沁水

陳賁懿 鳳臺

崔文煌 高平

張巽 陽城

韋誠 仁和

劉滋善 鳳臺

閻大綬 鳳臺

牛元善 鳳臺

周嚴 鳳臺

陳穀 錢唐

衛熒章 鳳臺

王鴻林 鳳臺

董繼舒 鳳臺

呂轍 鳳臺

衛德炘 鳳臺

李勲 鳳臺

苗大素 鳳臺

張曾 鳳臺

朱昂 錢唐

孔毓灝 鳳臺

王熙載 鳳臺

朱曉 錢唐

竇無逸 沁水

毛清奇 鳳臺

關維嶽 鳳臺

郭憲齡 陽城

武彭齡 陵川

武重 陵川

陳文公樹川文集

郝文忠公陵川文集目錄

卷一

賦

擊蛇笏賦

并引

哀三都賦

有序

渾沌硯賦

銅雀臺賦

龍蟠若木山子賦

有序

靜華君墨竹賦

怒雨賦

己酉五月十三日

瓊花島賦 有序

泰山賦

虎文龍馬賦 有序

冠軍樓賦 有序

瓊花賦 有序

秋風賦

牡丹菊賦 有序

幽慙賦 有序

卷二

古詩

寓興

北風

原古上元學士

明月

黃華

古意

蒼玉軒

中夜誦書有感

虛白菴

義士

鶴媒

鴈媒

三臺

書美里祠

去三汭見太行

卷三

古詩

曲阜懷古

孔林
顏巷

子思墓

杏壇
周廟

奎文閣

遊靈巖寺

贈青社諸公

青州山行

界墻雪

不用體物字昌州北金人所築界墻處

獲鹿新居哭元遺山

登昊天寺寶巖塔

贈劉茂之

隨州

石門

白兆山

雲夢

青山磯市

歷雲亭

黃鶴樓

渡江書所見

野蓮
秋桐

荒竹
野菊

卷四

古詩

渡江書事

宿汝南道院

浮山堰

冬至後在儀真館賦詩以贈三伴使

儀真館後園感春

幽蘭三伴使致蘭二本感而賦詩

橄欖 南人謂之格覽

秋思

儀真館後園海棠兩花于秋因為小酌賦詩

甲子歲後園秋色四首

雞冠
葡萄

牽牛
野蓼

新館秋懷贈正甫書狀

烈士吟贈總領宋瑒

新館八月三日雨

新館春日書懷

丁卯孟春新館望南極

卷五

古詩

幽思

采杞

卷六

古詩和陶

有序

停雲 思歸也

時運 安命也

榮物 觀物也

贈長沙公族祖 述東軒老人也經之六世祖受學於明道先生至曾叔大父東軒老

道益大傳之先大父思而有作

酬丁柴桑 自警也

荅龐參軍 始予年十六讀書於保塞鐵佛寺南堂不解衣帶坐徹明者五年感而思之為

賦是詩也

勸農 閔農也兵亂以來四民失業農病為甚因讀淵明勸農之作感而賦此

命子 感子也余生三十有五年舉四子而三天焉季曰阿壽生四年矣而余使宋十二年弗克

撫育感而有作

歸鳥 寓感也

形問影

影答形

神釋

九日閒居

憶九日登隗臺

歸園田居六首

憶登封盧溪幽居
唐盧鴻故居在焉

問來使

同前

遊斜川

憶西郎

示周掾祖謝

同前

諸人共遊周家墓柏下

怨詩楚詞示龐主簿鄧治中

答龐參軍

釋魏斌念母

五月五日作和戴主簿

重午書懷贈書狀官苟正甫

連雨獨飲

新館久雨

移居二首

和劉柴桑

釋宋琚念母

酬劉柴桑

和郭主簿二首

勉馬德璘孔進

於王撫軍坐送客

秋夕遣懷以下並同

與殷晉安別

贈羊長史

歲暮和張常侍

和胡西曹示顧賊曹

悲從弟仲德

始作鎮軍叅軍經曲阿

庚子歲五月中從都還阻風於規林二首

辛丑歲七月赴假還江陵夜行途中

癸卯歲始春懷古田舍二首

乙巳歲三月為建威參軍使都經錢溪

至日雪

還舊居 庭草

戊申歲六月中遇火 萱

巳酉歲九月九日 黃葵

庚戌歲九月中於西田獲早稻 芙蓉

丙辰歲八月中於下澗田舍獲 菊

卷七

古詩和陶

飲酒

止酒

蜡日 自釋

四時 記夢

擬古九首

雜詩十二首

詠貧士七首

詠二疏

詠荆軻

讀山海經十三首 寫興

聯句 漫興

桃花源詩

卷八

歌註

白溝行

賢臺行

古黃金臺也士人稱為賢臺

古菱花鏡詞

藜杖行

家君命作

蔡江月歌

天賜夫人詞

綠珠詞

朝雲詞

讀鄉先生劉景玄碑

讀麻徵君遺文

湖水來

梨花曲

題琴戚先生畫像

聽角行 贈漢上趙丈仁甫

蜀亡歎贈省山唐仲明

西郎吟 上左副賈侯

懷素青帘鬪將二帖歌

再飲陵山春

長歌哀李長吉

壽元內翰

辨磨甘露碑

卷九

歌詩

讀党丞旨集

書蔡正甫集後

登龍興閣觀銅像

趙邈齷伏虎圖行

跋展子虔畫齊後主幸晉陽宮圖

山陽橙歌贈緱子玉

鼠毫筆行贈劉遠

贈楊伯通

緯亢行

荅李淑玉

唐十臣像

歌魏徵李白郭子儀渾瑊顏真卿韓愈
白居易牛僧孺崔慎由司空圖

樓子白蓮

宣和內人圖

薛稷舞鶴圖

索靖月儀帖

跋党丞旨篆字太白琴讚

書黃華涿郡先主廟碑陰

入燕行

跋魯公送劉太冲序帖

荆公配享小像碑本

定武蘭亭帖

望漢臺

沙邱行

卷十

歌詩

宿鐵塔寺

楷木杖笏行

手植檜孔子像

梁甫吟

封松行

乙卯秋九月十九日登泰山太平頂

華不注行

嶧山陵行

居庸行

北嶺行

懷來醉歌

卷十 鷄鳴山行

沙陀行

化城行

鐵堠行

古長城吟

白山行

戊午清明日大城南讀金太祖睿德神功碑

聽姚尚書彈玉磬琴

趙州石橋

東坡先生畫像

曹州教授 王安仁所藏 己未六月一日敬題

温公畫像

王安仁藏

閑閑畫像

王安仁藏

高麗嘆

曉登昆陽故城

武當道士歌

巴陵女子行

有序

巴陵女子赴江詩附

武昌詞三首

使宋過濟南宴北渚亭

古篆行

贈高松嶺文舉

卷十一

歌詩

西陵行

書畫錦堂碑後

朝歌行

比干墓

共山行

太行望

三汜北城月榭翫月醉歌

望京府賞紅梅

黃山草聖歌

三峯山行

青城行

照碧堂行

汝南行

金源十節士歌

王子明

郭蝦蟆

陳和尚馬

仲德行院

李豐亭

移刺都

合荅平章

烏古孫道源

絳山奉御

李伯淵

題項王墓

靈泉行

卷十二 補太平頂讀秦碑長歌一首

歌詩

彭城李師射虎行

八月十五夜五河口觀月

燭芝行

書焦山瘞鶴銘後

書磨崖碑後

江梅行

江聲行

花藥夫人詞

二年冬至日湯安撫送梅

後聽角行

巧蟠梅行

電白馬行

長星行

甲子歲七月一日始見九月十六日沒

入奏行贈千戶魏斌

麝栗行

狼牆嘆

冤鏞嘆

憶寶刀歌

陽春怨

長歌行爲正甫書狀壽

丁卯冬十二月二十八日修易外傳畢記夢

卷十三

律詩

秋興五首

寓興

李淑玉送醉梨

雪意

晚晴登西臺

呈王內翰

送陵川魏夢臣

南樓書懷贈趙丈仁甫

送仁甫丈還燕

送高聖舉之關西

哀王子正

追挽楊文獻公二首

送董巨源

挽喬侯

老馬

詠史

壽毛德義

題楊之美尚書寄王運使守太原書後

哭高監察

讀昭烈皇帝紀

南堂即事

大宛二馬

天廡所育詔錫張蔡公

落花

哭魏先生

挽劉善甫

挽賈叔儀

哭祁陽賈侯

哭蕭侯孟圭

挽劉房山

題李轉運碑後

次韻荅王國範

丙寅新館重九

丁卯春日夜飲見月

雨中飲臘封瓊露

修易外傳太極演

題劉守太取書翁

贈馬德璘

靜香亭二首

題涿州昭烈皇帝廟

衛南感

靈巖道中

金線泉

過臨淄

竹溪

哀李文甫

哭亡友孟振文

曉渡澁河

營獨山谷

德安道中聞大軍渡江

公夫人毛氏挽章

孟少保後園四題

芙蓉山茶

木犀瑞香

題汶陽王太師彥章廟

晚登徐州黃樓

題留城留侯廟

宿州夜雨

震南樓

以三弟庸將別憶二弟彙

沙州夜泊

九月晦盱眙南爲何待制壽

奉和詳議叔蠟梅之什

月丹

館中書懷

劉房山方鏡二首

伴使秦文舉欲入維揚故賦詩以見意

芍藥

王承宣送揚州芍藥數本

瓊花

館中書懷

晚步

為劉詳議壽

曉起

湯訃議生朝

生朝祭先有感

先大夫忌日

為劉郎中壽

鏡薌亭

望金陵

贈都事苟正甫

甲子秋懷

秋晚後園獨步

壽劉詳議

晚步

贈魏斌

戊辰新館守歲贈正甫書狀

勉孔晉學

己巳三月二十六日二首

庚午夏至夜雨

六日二首

壽正甫書狀二首

卷十四

律詩

升賢村二首

張燕公讀書臺

寓感二首

過友人故居

送王國範北上

送宋和甫從軍

下泰山題真君觀壁

開平新宮五十韻

不寐

春夜

儀真館中暑一百韻

二月二十三日猶在儀真館三首

月夜感懷

江暑

壽何待制

雨中感懷

薄莫二首

曉起

聖節

壽劉詳議

江雲

新館感春四首

丁卯夏六月大雨震電

八月九日甲子夜雨

九月五日念母

戊辰寒食

贈魏斌

傳易有感

壽正甫書狀往歲正甫壽予以詩今歲復用其韻
以壽之

新館夜聞杜鵑二首

壬申二月四日二首

病中即事

十二月十七日大風雪

癸酉閏六月十三日夜病中聞笛二首

卷十五

七言絕句

滿城道中二首

抱陽寺

郎山

九日郭外二首

讀張良傳

讀則天紀

讀唐文粹

醉後二首

張侯宅新竹四首

讀晉武紀

即事

獨酌

蠶

西園姚黃

題明皇私語圖

題芙蓉盆

羽扇

大風

三臺懷古二首

蘇門八詠

百泉

梅溪

嘯臺

安樂窩

湧金

卓水

仙人迹

月臺

陳橋門

龍德故宮懷古二十三首

宮人斜

宿邨鄆

射鴈

味真菴

感興

鮑正堂

曉渡沙河

長蘆舟中遇風四首

贈漁者二首

曹南道中憩關羽祠書事二首

寓日

秋夕

宿黃陂縣南

賢王渡江

渡江中流贈楊宣撫

幽蘭軒

南朝謝靈運詩

太白入斗

宿舊縣

故盱眙也

勝游

邵伯藕

霜後芙蓉

蘇軾詩

燭花

香二首

聞歸鳥

中豎風四首

正月三日見月

送江梅還伴使

凌晨

感興

佛頂橙

儀真館後園莪葵

揚子

館中春晚二首

八月十六日曉起見月

聞雁

橄欖

江靜

梅

憶酒友

喜雨

不寐

十樣小菊

館人餼雁

芙蓉小酌

窻池

二月一日雨中看梅

示馬德璘

示孔晉

丁卯歲元日

真州沙瘴

立秋夜有感

丁卯新館寒食無花四首

館內幽懷

伴使西計議送牛酪

新館木犀

觀哺乳燕

觀牡丹菊有感

戊辰七夕

戊午歲作一貫圖戊辰冬十月晦始成

讀堯典

讀王旦傳

即事

夢遊木香洞府

無名四首

暮春二首

五言絕句

同闕彥舉南湖晚步四首

送闕彥舉

從織

曉寒

即事

大城南

卷十六

圖說

太極圖說

先天圖說

一貫圖說

卷十七

論八首

道

命

性

心

情

氣

仁

教

卷十八

論

五經論 并序

易

詩

禮樂

書

春秋

思治論

卷十九

論

辨微論

異端

學

學

厲志

禮樂

學

經史

時務

傳國璽論

卷二十

雜著

內游

叙書

學難

瑞麥頌

文弊解

龍首辨

二履辨

瘞鶴銘辨

文

手植檜復萌文

邀窮文

哀辭

胡先生哀辭

渾源劉先生哀辭 并引

卷二十一

祭文

祭淮瀆文

禮文忠公集
目錄
三
禡牙文

祭遺山先生文

祭魏先生文

祭趙敬叔文

祭順天賈侯文

祭蕭孟圭文

祭成玉文

箴
手
會
文

志箴

家人箴

贊師箴

友箴

思箴

正心四箴 并引

恐懼箴
忿懷箴

立箴

憂患箴
好樂箴

自恕箴

銘

樗菴銘

容齋銘

曲肱亭銘 有序

日觀銘

居庸關銘

面銘

背銘

左銘

右銘

竹瓦枕銘

卷二十二

贊

先天圖贊 并引

太禹泣囚圖贊

元遺山真贊

王良臣真贊

說

文說送孟駕之

養說

讓說

卷二十三

書

蘇文忠公集 目錄
請舅氏許道士出園堵書

答友人論文法書

與北平王子正先生論道學書

移諸生論書法書

答高雄飛書

卷二十四

書

與漢上趙先生論性書

上紫陽先生論學書

與撤彥舉論詩書

荅馮文伯書

上趙經畧書

為家君請命書

卷二十五

記

萬卷樓記

趙簡子廟記

醉經記

鄰野堂記

種德園記

臨漪亭記

含元殿瓦硯記

庸齋記

皇極道院記

休復亭記

恒齋記

萬竹堂記

時中齋記

卷二十六

記

去魯記

麗澤堂記

素菴記

橫翠樓記

積慶堂記

北風亭記

棣華堂記

太極書院記

鐵佛寺讀書堂記

卷二十七

記

鏡鄰亭記

退飛堂記

蘆臺記

窳池記

江石子記

是是堂記

密齋記

宋兩先生祠堂記

卷二十八

序

一王雅序

春秋制作本原序

春秋三傳折衷序

春秋外傳序

卷二十九

序

甲子集序

原古錄序

太極演總序

周易外傳序

續後漢書序

玉衡真觀序

變異事應序

卷三十

序

送常山劉道濟序

唐宋近體詩選序

再送常山劉道濟序

送太原史子桓序

送漢上趙先生序

送鄉先生宋君還燕序

送王之才南遊序

括囊圖說序

送柴梓材序

送道士申正之序

儒行序

刪注刑統賦序

朱文公詩傳序

率義會序

心菴先生陰符經集解序

送張漢臣序

卷三十一

述擬

漢淮陽王檄郡國討王莽文

漢昭烈帝討吳孫權檄

漢丞相亮諭偽魏檄

隋晉王廣滅陳禽陳叔寶露布

唐太宗即皇帝位赦文

太宗伐高麗班師詔

贈魏徵司空制

宋璟右丞相制

贈張巡揚州大都督制

郭子儀賜號尚父制

贈韓愈禮部尚書制

追復李德裕太子少保衛國公制

李克用破黃巢露布

諸鎮討朱全忠檄

卷三十二

奏議

東師議

卷二 班師議

立政議

河東罪言

便宜新政

備禦奏目

卷三十三

碑文

唐帝廟碑

廉將軍廟碑

漢義勇武安王廟碑

四賢祠碑

美里周文王廟碑

齊太公廟碑

涿郡漢昭烈皇帝廟碑

漢丞相諸葛忠武侯廟碑

卷三十四

碑文

漢高士管幼安碑

漢義士田疇碑

殷烈祖廟碑

新野光武皇帝廟碑

周子祠堂碑

順天府孔子新廟碑

豐縣漢祖廟碑

留城留侯廟碑

卷三十五

墓誌銘

遺山先生墓銘

房山先生墓銘

須城縣令孟君墓銘

許鄭總管趙侯述先碑銘

崔氏世德銘

程先生墓銘

廣威將軍潞州錄事毛君墓誌銘

并序

左副元帥祁陽賈侯神道碑銘

并序

公夫人毛氏墓銘

故易州等處軍民總管何侯神道碑銘

有序

故中書令江淮京湖南北等路宣撫大使楊公神

道碑銘

河陽遜士苟君墓銘 有序

卷三十六

墓誌銘

先曾叔大父東軒老人墓銘

先伯大父墓銘

先大父墓銘

先叔祖墓銘

子阿寶祔殯誌

子阿長附殯誌

行狀

先父行狀

先妣行狀

喬千戶行狀

卷三十七

使宋文移

宿州與宋國三省樞密院書

宿州再與三省樞密院書

與宋國兩淮制置使書

再與宋國兩淮制置使書

上宋主請區處書

與宋國丞相書

卷三十八

使宋文移

再與宋國丞相書

復與宋國丞相論本朝兵亂書

過總管回降與賈丞相書

與賈丞相書

卷三十九

使宋文移

上宋主陳請歸國萬言書

郝文忠公陵川文集目錄終

郝文忠公陵川文集

目錄

吳